

海康縣志序

海康為古南合地見北斗僅二十度有奇長三四
百里澹澹於重溟巨浸中翕坤潮汐吞吐靈淑人
才物產往往為瀕海諸邑冠故粵東以海名縣者
四而此獨以康名康者康也言近海而迪吉康也
辛未夏來宰是邑余嘗北至英靈南至五石西泛
羅湖東望鹿洲覺疆域建置形勝人物歷歷在目
未嘗不嘆柳張何戴四太守之所經營萊公二蘇
之所過化陳文王陳義江王愚谷陳清端之所照

劉序

耀而熏陶其流風遺韻去今未遠也竊欲手為筆
記寔官囊以為康濟具會公事匆促未能也秋杪
適紳耆以重脩縣志請余聞喜甚獨計華陽志信
史也成於常璩武功志良史也成於對山以國人
而言國事故事核而足徵余蜀人也而言海事惡
乎可哉迺延觀察陳觀樓先生摠纂分延諸紳宿
同校類分八門都為八卷閱幾月而告成諸紳復
以弁言請余惟海康為粵東極南之地位在丙午
間於卦為離郡名雷於卦為震以雷合火為豐以

火合雷為噬嗑豐者大也得其所歸者必大也噬
嗑者合也可觀而後有所合也是書自疆域至藝
文或委或源不支不漏事以彙聚義以例該所謂
得其所歸者必大也而生斯土者物大才豐之象
如之微顯幽闡足備鑒觀彰往察來可供記述所
謂可觀而後有所合也而官斯土者觀風施教之
義亦如之故余喜書數言弁諸篇端以告後之迪
民吉康者

賜進士出身文林郎

劉序

二

特授雷州府海康縣知縣加三級紀錄三次蜀郡劉邦
柄撰



海康縣志目錄

卷之一

疆域輿圖形勝沿革事紀里至鄉都
社村市埠水利賦役風土物產

卷之二

建置域池公署學宮壇廟亭樓塔
坊表行館舖橋渡墩古蹟塋墓

卷之三

職官

卷之四

名宦

海康縣志

錄目

卷之五

選舉

卷之六

人物

卷之七

列女

卷之八

藝文

纂修姓氏

總裁

海康縣知縣劉邦柄

總纂

原任浙江溫處兵備道陳昌齊

分校

舉人陳宗緒 增生陳丕顯 議叙縣丞陳君典

膳錄

廩生官 男 附生梁 竦 附生歐廷弼

海康縣志 目錄

附生吳良翰

採訪

歲貢蕭天培 歲貢陳源關 歲貢梁昌霖

附貢吳騰輝 廩生林峻椿 廩生吳登史

廩生官元勳 廩生丁如金 廩生鄧作霖

廩生王者銘 增生蔡淑中 增生吳 昭

增生陳丕顯 增生符鴻達 增生陳駿聲

增生吳騰萬 增生陳聖敏 附生吳升之

附生林寔勝 附生陳 綱 附生陳 典

附生李允升

附生李春芳

附生歐廷弼

附生陳元琦

附生洗克温

授職州同梁天柱

授職縣丞陳昌祐

即用縣丞陳朝瑞

授職府知吳時安

例貢黎駿德

監生劉有佐

監生陳觀翰

監生周元珂

監生宋基墉

監生楊元英

監生王藻鑑

監生吳時信

監生吳廷輝

監生梁士仁

從九職劉振宇

海康縣志卷之一

疆域志與圖形勝沿革事紀里至鄉都社村
市埠 水利 賦役 國土 物產

治地必先經界或因或革時至而事起所謂得失
 之林也經界定然後民依方而立任土作貢則壤
 成賦而財用出焉風俗成焉近山宜陂近海宜堤
 民事不可緩矣民奢示之以儉民儉示之以禮教
 化於是乎行矣縣幅員不廣然所貴乎固疆圉昭
 封守實與古建侯分土無殊也不下堂堦而周知
 宇內含圖經其奚特哉作疆域志

海康縣志 卷之一 輿圖

東街遂溪界

東至東洋海岸十里

東南至徐聞錦囊汛



一十八里

里五十二里

社祿南至北西

海康縣志

形勝

六十里

西至河頭墟九十里遂溪界

卷之一

輿圖

二

西南至海康汛一百四十里

界聞徐里



縣附郭北枕英嶺南拱擎雷時禮峙東英榜列西
 羅湖特侶吞吐浩瀚李仲元稱其山環海合鯤鵬
 變化之鄉信矣

沿革

天文牛女分野

秦時縣為象郡地

漢元鼎六年置合浦交趾等郡縣隸合浦郡屬交
 趾部刺史尋析合浦郡置徐聞縣為徐聞縣地

齊永明中改徐聞縣爲齊康郡領樂康縣後復改齊康縣

梁普通四年分齊康縣置合州太清元年改合州爲南合州

隋開皇九年改南合州仍爲合州置海康縣廢齊康縣置隋康縣是爲海康之始

唐武德四年仍爲南合州十四年分合浦郡置合浦州縣屬州貞觀元年改南合州爲東合州八年改東合州爲雷州天寶元年改雷州爲海康郡至

德元載置嶺南節度使州屬之乾元元年復海康郡爲雷州領海康遂溪徐聞三縣

後梁開平二年以清海軍節度使劉隱兼靜海軍節度使安南都護隱盡有嶺南之地貞明四年劉隱弟自稱尊號劉嚴改國號曰漢縣仍屬州

宋開寶四年平南漢改雷州爲軍縣屬軍

元至元十八年改雷州軍爲雷州路縣屬路

明洪武元年改雷州路爲府縣屬府

國朝因之

秦始皇三十三年遣任囂趙陀平南越置桂林南海象郡

漢元鼎六年路博德楊僕平南越置南海蒼梧鬱林合浦交趾九真日南七郡設交趾部刺史

唐至德元載墜嶺南五路經畧討擊使為節度使

領廣韶循潮康滄端新封春勤羅濬高恩雷厓瓊振儋萬安藤二十三州

宋開寶四年遣桂州道行營部署潘美平南漢改

雷州為雷州軍

海康縣志

卷之一

疆域

紹興八年海賊陳旺攻子城澄海將軍虞輔國李憲死之

二十八年知軍事何庾築塘渠導水灌東洋田地

病燥涸庾築特俱西湖二塘堤通渠水以灌東洋田萬頃民利賴之

隆興二年減高雷二州罪囚夏秋二季租賦以廣西賊

平之故

乾道六年知軍事戴之邵修築捍潮長堤洋田係雷民命

恃長堤禦捍鹹潮始不傷稼日以崩壞大築之

德祐元年曾淵子開督府於雷州時元兵日迫臨安戒嚴淵子同

知樞密院事棄位而遁
削職居雷遂起兵據之

祥興元年元將史格克雷州據之

曾淵子自雷州奔赴行在

時帝御舟泊海洲淵子為元所襲奔赴帝所隨

至厓山以為
參知政事

太傅張世傑遣安撫使張應科帥師復雷州不克
死之

元至元十五年設各縣達魯花赤

行中書省平章阿里海牙平海北駐師於雷州

十八年改雷州軍為雷州路設總管府

海康縣志

卷之一

疆域

五

至正十五年土賊麥伏來張子三等據遂溪徐聞
以叛郡城戒嚴

十九年化州樞密院同僉羅福擊麥伏來等平之

墜福宣慰
司都元帥

明洪武元年遣征南將軍廖永忠取廣東羅福以
雷州降

遣指揮張秉彝戍雷州改路為府

二年同知余麒孫開府治

十年設前後二千戶所

七年設中千戶所

十七年命安陸侯吳傑都督馬鑑視雷要地立海

康海安樂民錦囊四千戶所廣東指揮使花茂奏沿海宜立所以備海

盜故有是命

始命備倭命安陸侯吳傑永定侯張全等往廣東訓練沿海衛所官軍以備倭寇

永樂十八年命蠲免海康遂溪二縣本年田租布政

司言今夏颶風暴雨海水漲溢傷民禾稼田租無徵者一千六百石遂免之

成化元年廣西猺賊胡公威反流劫至雷州是時承平

既以民不知兵賊至俱奔入城相持口以城中疫作十死六七戶口頓減

海康縣志

卷之一

疆域

六

總兵官歐信師次於雷州與賊戰敗績

知縣王麒禦賊於那柳村死之

十四年併縣學於府時地方殘破絃誦者少何璉奏併之

宏治九年復立縣學是科海康張德林經中式歲貢田安等呈請知府陳嘉禮

知縣林彥修詳復原學

嘉靖十三年海賊許折桂寇雷州指揮王守臣討

平之

四十三年廣西流賊突至八府城殺守門者二人

隆慶元年詔罷雷州貢葛

三年以右都御史兼兵部侍郎劉燾總制閩廣軍務討海寇曾一本誅之先是海寇吳平流劫惠潮之擣其巢穴平奔交趾其遺孽曾一本復嘯聚海上高雷諸郡騷擾者數年至是命燾鎮閩廣協兵討平之

五年冬十二月晦倭賊寇城西南郊虜掠男婦地方幾破

萬歷二十九年春三月倭賊自淡水登岸據龍鬱

村尋討平之時官兵進戰多為賊所傷署叅將臧光剛退縮不出知府葉修募兵防禦

東山叅將鄧鍾督兵討之城以寧

三十一年加條鞭餉

海康縣志

卷之一

疆域

七

四十八年詔天下餉遼是為增餉

崇禎三年裁冗官吏部題汰冗官以舒國用裁本府通判一員廣積倉大使一員

照磨一員武郎場大使一員本縣縣丞一員倉大使一員黑石司巡檢一員

五年四月海賊劉香寇白鶴寨城中戒嚴總兵鄭芝龍遣

將陳鵬來援大破賊於北濶門香遁去

八年都御史熊文燦檄五虎總兵鄭芝龍會剿劉

香斬之餘黨悉平

秋八月命府州縣積穀抽十之三助邊餉徵生員

優免丁銀助餉

十年增置營兵於淡水港淡水港為東南濱海要地知府朱敬衡詳請撥

白鶴寨兵四十名及陸營兵建砦於此委衛弁統之

十一年推官關應春開南門外新河舊有河自南關外直瀉南

渡下海春捐俸自天妃宮下另開一河引潮漑抱府城

國朝

世祖章皇帝順治元年甲申夏四月

本朝定鼎

京師

四年丁亥春二月大兵至雷明叅將蔡奎迎降總督

海康縣志

卷之一

疆域

八

修養甲提督李成棟於三年既定惠潮廣府遣副總兵官汪宗宏等入雷州官民皆郊迎安堵

汪宗宏同降盜黃海如鎮雷海如復叛

冬十二月黃海如寇雷城陷汪宗宏出走海如據

雷州先是九月明監軍古勳都督孫時顯帥狼兵圍城不克海如遁蔡奎為內應合攻陷之遂

據郡城自稱宮保土賊陳仕墜張彪為之爪牙大為雷害

減荒田租賦除雜餉

六年己丑春二月總兵官閔可義黃海如於平

固坡海如竄遁入海颶風覆舟死焉

八年辛卯平南王尙可喜靖南王耿繼茂定廣東

夏師至雷州雷民歸順

定雷州營制歲明代鎮守叅將衛所指揮鎮撫千戶設雷協副將一員左營都司一員中軍守備一員右營都司一員中軍守備一員又設衛守備一員海康所千總一員

九年壬辰靖南王統師至雷擒偽高雷總鎮海康

李李明忠斬之時土賊王之翰首倡亂據北筭巢其弟之鑑內港巢左營陳傑烏叫

木右營黃占三方家巢王禮士梁州牧黃寬等各聚黨亦殺西海一帶地方滋擾垂五六年張彪亦

人肆荼虐與徐聞駱家相殺連年不解壬辰癸巳間民斷耕種歲饑瘡發死者闔室

十一年甲午三月明安西王李定國破雷州先啟

王叛降之定國自廣西柳州入高州道經雷廉縱兵屠戮故王叛降之後定國敗故王復

還參議陳嘉善劫其罪斬之

原縣志

卷之一 疆域

九

冬十二月平南王靖南王督軍大破李定國於新

會高雷廉復定定國既入高州遂進圍新會知縣黃之正死守不下是月十八日平

靖兩藩協同將軍朱馬喇統領滿漢兵戰於河頭用火箭破其象陣定國大敗遁去結筏而渡奔回

廣西

十二年乙未設高雷廉總兵官

設洋禁無號票文引及私製二桅以上大船往外洋貿易者俱置重典

十三年王之翰來降之翰據西山巡按張純禧慰諭之故出降

知府陸彪大修府城

十四年丁酉秋九月

頒賦役全書

十七年庚子申嚴洋禁禁海濱雙桅沙船不許民間私造違者視通賊律

裁海康所

鄭昌縛王之鑑請降遂溪南昌村人鄭昌從之鑑為盜叅將江起龍遂溪縣馬

光遠守備喬文煥撫昌昌縛之鑑以獻

十八年辛丑禁沿海官兵不許出界貿易

降盜鄭昌復叛總兵官粟養志陣斬平之

聖祖仁皇帝康熙元年壬寅夏

海康縣志

卷之一

疆域

十

詔蠲順治十八年以前逋賦

詔遷沿海居民賑之閩寇鄭錦猖獗命內大人科爾坤介山與平南王李總督尚固山楊提

督王將軍沈國公等親臨巡視濱海居民令徙內地五十里如有貧民之不能遷者則賑濟之使無所失

所失

二年癸卯春正月平南王尙可喜遣總兵官粟養

志剿海寇楊二楊三敗之師旋至海康所擒黃占

三解之占三跡雖投誠陰謀囂詐常與楊二楊三交通粟鎮擒之

屯米全徵木色順治初罷前明衛所世襲撤軍伍尺籍設管屯官徵收屯糧本折色

相半至是全徵本色

三年甲辰裁縣學教諭

四年乙巳設沿海墩臺

沿海民居既遷設五里一墩十里一臺巡海使者分

界

五年丙午夏五月除各縣日供雜派值月夫役

六年丁未秋

策六禁

先是廣東總督盧崇峻疏陳粵六大害一日夫役二日派船三日採買四日私抽五日攀

害六日擅殺下巡撫王來任覆奏至是頒禁粵民稱便

七年戊申冬十二月總督周有德巡視雷州展復

遷民海界

康縣志

卷之一

疆域

十一

九年庚戌復設衛所守備千總

康熙三年遷界裁至是復設

十年辛亥申嚴洋禁

止令木筏捕魚不許小艇出海

知府吳盛藻修築東城

十一年壬子夏

選各學優等生員一人入監讀書

知府吳盛藻填塞城內濠溝

宋乾道間知軍事戴之邵於城中開溝引

西湖水穿城東流灌東洋田形家以為不利故填塞之

十二年癸丑春二月修沿海各汛墩臺

十四年乙卯夏五月高州總兵官祖澤清叛雷州

副將譚埏元白鴿寨土官陳大有應之全雷俱陷

縱兵擄掠居民沿海村落屠劫尤慘

十六年丁巳祖澤清歸正澤清殺叛將謝厥扶以贖罪許之

定官民隱匿懇田之罪察出者議叙舉首得實者卽以其田予之

十七年戊午春三月祖澤清復叛額將軍率師平

之雷副將譚捷元遁西山尋歸投誠病死祖黨土

賊楊二梁羽鶴等阻雷南渡作亂

秋七月都統金榜選率師剿楊二十二月遣右鎮

楊應龍會雷協副將潘拱宸雷州府知府馬之驥

海康縣志

卷之一

疆域

十三

破之

復各學教職

十八年己未夏六月頒

聖諭十六條每朔望有司集紳士恭肅宣講

十九年庚申夏六月海寇謝昌李積鳳據東海雷

郡戒嚴昌巢於東頭山與楊二台夥

二十年辛酉春三月水師總兵官蔡璋副將張瑜

率舟師平海敗賊於海門追至龍門盡破諸巢楊二遁海賊悉平

二十三年甲子春二月展開海禁雷地於七年雖已展界而東海

地方爲賊淵藪猶在禁山至此海氛廓清開復原
額魚課止石二丈人會同總督吳巡撫李巡海開
復原地民始獲享
魚鹽耕鑿之利

裁左右都司設中軍都司

御書萬世師表匾額懸於學宮

二十五年丙寅協鎮張仕選復開城內濠溝由山

東至萬
金溪

二十六年丁卯夏五月

詔免新加雜稅

二十九年庚午春正月裁雷州衛及海康所歸併

海康縣志

卷之一

疆域

三

各縣

詔舉行積穀置常平倉

詔府縣各學設樂器

詔遇蠲免錢糧業戶免七分佃戶免三分

三十三年甲戌陳瓊成進士

三十九年庚辰

頒到

御製

至聖先師四配贊於學宮

四十一年壬午

頒訓飭士子文於學宮

四十二年癸未

恩給武職各許親丁食糧

五十一年壬辰夏

詔以宋儒朱熹升祔十哲之次

五十二年癸巳

詔免本年地丁錢糧并各年舊欠

定盛世滋生戶口賦額

自五十年編審丁數定為常額續生人丁永不加賦

海康縣志

卷之一 疆域

古

禁漁船出海帶軍器

五十四年乙未夏屯米酌改折價

詔以宋臣范仲淹從祀位在司馬光下

五十五年丙申春三月准衛所屯丁入學

歲科兩試俱取

一名入府學

五十六年丁酉夏申嚴洋禁

商船不許私往南洋貿易有偷往潛留外

國之人督撫大吏行知外國辦回正法其已出洋在五十六年以前者准其載回原籍

五十七年戊戌夏四月築東洋堤岸

雷那東有洋田萬頃為海

康遂溪二縣民川交錯之境計堤一十七處水閘十三處俱過臨大海鹹潮冲射漸就比傾縣人

福建巡撫陳瓊疏請修築下其議於粵
粵議允協易土塘以木石堤乃鞏固

設立沿海砲臺

冬十月福建巡撫左副都御史陳瓊卒追授禮部尚書謚清

端應一子
入監讀書

五十八年己亥

賜故福建巡撫陳瓊葬銀四百兩

五十九年庚子春令武職許入

文廟與文職一例行禮

禁出海商船私帶軍器

海康縣志

卷之一 疆域

五

定有司不報忠孝節義之罪

世宗憲皇帝雍正元年癸卯

詔舉孝廉方正

縣紳士公舉康熙丁酉科舉人陳居隆

詔墾田

嚴禁運米出洋

命學臣試武較射會同武職

命加

文廟祭品加太牢邊豆各一

詔封

至聖先師五代王爵改啟聖祠為崇聖祠

九月

命舉行鄉飲酒禮

十一月禁現任官立生祠書院

二年甲辰

命建忠義孝弟節孝祠

男女各建一祠一為忠義孝弟之祠樹石碑一座刊前後忠義孝弟

之人姓名於其上已故者設位於祠中一為節孝之祠建大坊一座標前後節孝婦女姓名於其上已故者設位於祠中俱春秋致祭務令窮鄉苦寒皆得表彰其寡婦守節十五年以上年踰四十故者一體旌表

海康縣志

卷之一 疆域

六

頒到

聖諭廣訓

夏四月

命歲舉老農一人給以八品冠帶榮身

命勸農

命學臣舉報生員優劣

詔行便民社倉

命建育嬰堂

定從祀

復祀者六人林放蘧瑗秦冉顏何鄭康成范甯增祀者二十人縣宜牧皮樂正子公

都子萬章公孫丑諸葛亮尹焯魏了翁黃幹陳淳
何基王柏趙復金履祥許謙陳淵羅欽順蔡清陸
隴其增入崇聖祠者一人張迪增置
博士者四人冉雍冉伯牛子張有若

三年乙巳

詔封關帝祖父三代公爵神位供奉後殿春秋致祭

四年丙午春二月重修東洋海堤

五月

命有司蓋造倉廩

申嚴保甲法

十戶立一牌首十牌立一甲長十長
立一保正分合稽察村落畸零戶不

及數即就
其數編之

海康縣志

卷之一

疆域

七

御書生民未有匾額懸於學宮

五年丁未春二月

命建先農壇舉行耕藉禮

六年戊申設立救火器具

申禁私出海洋

命較正鄉音

民間買產許給布政司契尾

七年己酉春正月給各官養廉

定易制錢例

每銀一兩易大
制錢一千文

定濫舉老農之罪改期三歲一舉

諭富戶行善

八月蠲庚戌年地丁錢糧

設約正

各縣大鄉村設立講約於舉貢生員內選

者三四

人充值月月每月朔宣講

正復選樸愿謹守

歲予銀六兩值月月歲予銀三兩六錢凡一年之內

能化導愚民給匾獎之三年之內著有成效遠其

最優者送部引見年衰不能赴部舉人給以六

品冠帶貢生給以八品者民給以九品

八年庚戌給府經歷及雜職微員養廉有差

添設額外教職

觀風整俗使焦祈年奏請各學設額外教職一員於江西近科進士

海康縣志

卷之一

疆域

六

內簡送俾為表率課文諭行給以廩餼仍令學

臣稽察三年著有成效卽予以應得之官從之

聖祖仁皇帝御纂性理精義詩經傳說彙纂春秋傳說彙

纂刊布學宮

高宗純皇帝乾隆元年丙辰開博學鴻詞科

給各教職全俸

先是教職兩官同食一俸難資養廉故以全俸給之

二年丁巳

諭鄉飲慎舉賓介

御書與天地參區額懸於學宮

十年乙丑蠲免各縣地丁錢糧

十二年丁卯定學臣考試先文後武

二十三年戊寅定科場試士加律詩一首

五言八韻學政

歲科兩試亦定為例
生員八韻童生六韻

三十年乙酉裁雷州營副將設叅將裁中軍都司

三十五年庚寅蠲免各府縣地丁錢糧

四十四年己亥

命刊

世宗憲皇帝訓飭士子諭旨於學官

五十二年丁未定童子歲科兩試用四書文二道

海康縣志

卷之一

疆域

十九

至招覆日補五經文一道俱用律詩

五十五年庚戌蠲免各府縣地丁錢糧

今上皇帝嘉慶元年丙辰春正月

詔舉孝廉方正

免各府縣地丁錢糧

封雷祖為康濟宣封布德之神

御書茂時育物匾額懸於雷祖廟

五年庚申

御書聖集大成匾額懸於學宮

六年辛酉秋八月會匪林添申等作亂知府五泰

督鄉勇擒之

流僧貴然托名賣藥陰誘奸民歛錢結盟號天地會知府五泰訪獲之置

於獄會首林添申等私謀劫獄令其黨數百人夜集城下以城中有備退據雙溪口砲臺五泰委知

縣馬鈺率各紳士帶丁壯往捕監生游世傑附貢生歐賢星例貢生黎駿德擒獲首匪及餘黨解省

究治如律

七年壬戌

命舉行

文昌春秋祭增祀三代

十年乙丑

海康縣志

卷之一 疆域

三

詔封呂祖令府州縣立廟祀之

十四年己巳冬十月海匪烏石二等肆逼郡城叅

將德興署縣事知縣陳邦燮禦却之

烏石二聯船七十餘艘突

入南渡港內大肆焚掠興與邦燮率兵丁鄉勇出城堵禦親冒鎗砲十有餘日殺賊多人賊懼而退

申嚴保甲法

並諭紳耆團練鄉勇以禦洋匪庚午之役操戈城下夫人之力也

十五年庚午夏五月兩廣總督百齡遣降盜張保

計擒海盜烏石二等磔之

先是張保在廣州各港劫掠烏石二在高雷瓊

各港劫掠總督百齡遣人招撫許以不死保先投誠烏石二仍往瓊州擾劫乃命提督童鎮墜總兵

黃飛鵬率舟師帶領張保剿捕親至雷督戰師至瓊海保用計誘烏石二等入雷之雙溪港提督總

兵各以大兵扼其後以鄉勇拒於前生擒烏石二等全夥計數千人即在雷磔烏石二等九人於市餘或梟示或遣戍或赦宥俱處如律而東海伯者先張保烏石二而起亦以此時投誠免死云
十六年辛未秋九月改雷州營屬高廉雷鎮

里至

縣治東北至貢院東街遂溪界

東至東洋海岸十里

昔寇萊公少時夢有到海只十里過山應萬重之句及南

謫抵郡按圖歎曰人生得喪豈偶然耶即此地

西至河頭墟九十里遂溪界

南至英利汛九十里徐聞界

海康縣志

卷之一

疆域

三

北至瑞芝舖過五里二十五里遂溪界

東南至徐聞錦囊汛一百八十里

西北至南祿社六十里

西南至海康汛一百四十里

山川

靈顏墩

城東五里東洋田中歲旱禱雨多應

調洲

城東二十里海中周圍三十餘里為蛋戶泊息之所

英榜山

城西八里高三丈許原號英山後梁開平四年都知兵馬陳襄駐師於此出榜示民

因加榜字上有雷祖廟

后褒嶺

城西五十里高二十丈周圍十里頂分雙峯東巖湧泉灌田數十頃

三盤嶺

城西三十五里高六丈周圍三里

吉斗山

城西北四十里山大而平

雷公山

城西北四十五里高十仞盤旋五里相傳昔有雷公震此山故名

討泗山

在雷公山之西高十仞綿亘十餘里昔有符氏名討泗者獨居此山故名

鷓鴣嶺

城西南四十里高十仞廣五里

孔頭嶺

城西南四十五里高十丈左右有木棉嶺右有張牌嶺鼎峙相去各一里

五石峰

城西南七十里五石團列高二丈中有一石如案下有清泉

馬鞍嶺

城西南七十里形如馬鞍故名

海康縣志

卷之一

疆域

三

烏池嶺

城西南五十里高三十餘丈周圍二十餘里頂有池廣二畝許環池皆田其土黑池

中一石

盤廣如池西北有峯秀起似鷄頭俗呼為剝鷄嶺

牛鼻嶺

城西南七十里高二十丈其來脉極小僅可容車突起高嶺如牛鼻狀故名

公土嶺

城西南八十里高三十丈周圍四里

仙人洞

城西南八十里前臨西海後起石壁明末寇起疑此中有藏物聚薪洞口燒之烟從

四十里

外后褒嶺穴透出乾隆間有增生鄧連泗築書室於旁約友秉燭持索而入燭滅索盡而出

莫窮其深

華亭嶺

城西南八十五里高三十丈

邦臯嶺

城西南九十里高三丈周圍里許

雙鵝嶺

城西南九十里平岡上突起兩峯狀如雙鵝對立中窪處兩池相連水經東不涸

家山嶺

城西南一百一十里高六丈周圍二十里北列一字屏上起八峯中有大小二池

西起一峯如金鐘

乾壠嶺

城西南一百二十里高十餘丈廣八里

博袍山

城西南一百一十五丈

徒會嶺

城西南一百三十里枕海高三十餘丈盤圖四里中峯聳拔有石洞可小憩 按此

嶺今呼為房參嶺

途旁嶺

形如卧虎與徒會嶺對峙相去五里高十餘仞上有逸房墩今名為大房嶺

邵洲

城西南一百二十里海中廣六十里昔有邵姓居之故名居人皆煮鹽為業

海康縣志

卷之一 疆域

三

英高嶺

城西南一百三十里兩峯高峭三十餘丈有石穴湧泉

擎雷山

城南十八里形如列屏為郡之案山即以此名舊志十里誤

大牛嶺

城東南六十里高十仞廣二十里形如眠牛故名東起一嶺如大牛嶺高上有飛來

香爐早則祈之今名為神仙嶺

石茆嶺

城東南八十里高五十丈山麓迤邐二十餘里有泉穴數十處東北流為調風橋溪

北流為曹家溪邁生溪西北流為北插溪

時禮嶺

城東南七十里高七十餘丈盤旋五里乾隆十九年署知縣黃元基命監生程文郁

暨近嶺紳上造塔山頂未成而黃去其基尚存西小峯有廩生丁如金收葬字紙灰塚其兄察人宗洛砌石為亭舊郡志云頂有英靈岡廟又有井歲旱往取其水以求雨今皆無考嶺東半里許有小

山高十餘丈曰巖仔

東尖山 城東南八十里背高面低脚趨於海

瀧洲 舊郡志云在城東南一百八十里崛起海中

民二百餘家名建康建寧二村

鹽竈嶺 城東南八十里高六丈餘其北有端旺坑

按舊志尚有思靈島在城東十里海中上多米

豆枝葉如楊柳虎頭山在城東七十里枕大海

今皆無考

大肚河 城東二里北接特侶塘南流繞郡至南渡

海康縣志

卷之一

疆域

三

西湖 先名羅湖在城西半里其水源發於拱辰諸

入於海宋紹興間知軍事何庾始築堤潞水建東

西二橋名曰惠濟橋下置閘西閘引水由西山坡

坎灌白沙洋田東閘引水南流至通濟橋轉與特

侶塘水合灌東洋田二閘以時啟閉乾道五年知

軍事戴之邵復以東閘水下流不能東溉乃築渠

入城而導湖水之東歲久湖涸鄰湖之家因以為

田嘉定間知軍事鄭公明撥田以隸州學得種二

十石有奇端平間提刑張公以馮直沒官田四十

石入學仍復西湖改名放生池咸淳八年知軍事

陳大震環湖建八亭曰橫舟曰流水孤舟曰狎鷗

日州之眉目曰泳飛曰總宜曰活潑潑地曰放生

元至順間廉訪司經歷郭思誠至雷伐石砌閘以

防湖決置輿梁以便行人復建水月亭於橋之西

即舊十賢堂之側與橫舟亭東西並峙至元間湖

復廢為田積稅五頃二畝九分官糧米一百八十

八石明初將積稅派各畝輪納成化間知府魏瀚

復修舊蹟宏治間僉事王相移檄有司培築太監
傳倫於湖側隙地建愛蓮亭正德丙子知府王秉
良修葺堤開建州之眉目亭於湖北建狎鷗亭於
湖西建流水孤舟亭於湖東隨地嘉靖丙申知府洪
富令民於湖側寄插收租已亥同知孟雷於湖中
壘石砌亭曰與衆內書狀元生三大字刻之於石
取蘇東坡西湖平狀元生之識也辛丑歲守道叅
政張岳僉事翁溥重修更名曰信芳未幾承佃寄
插者衆湖漸塞署府戴嘉猷諭禁之甲辰知府林
恕躬視地勢築新堤開五閘以通諸水入湖其東
西二渠疏浚如故事竣於新開建亭曰架流舊堤
建亭曰毓魁亦取往識之意又於信芳亭後建臺
八楹東西二小楹爲庖湏之所置艇於湖以便往來

平源水 城西北五里入西廳

潭望水 城西北五里南流合南渡

海康縣志

卷之一 疆域

三五

途旁水 城西北五里流通南

南亭水 城西南一里湖水自南渡北上經第一橋

橋下乘湖而過民便之今湖溝壅塞湖水不能拖城而上

擎雷水 城南十八里源出擎雷山下北流入南渡

南渡水 城南八里乃往瓊州必山之路北而特倡

納之水皆會於此東流山雙溪港入海

田頭溪 城西北六十里源出遂溪蝦溝諸坑

邁風溪 城西北四十里源出河尾

打虎溪 城西北八十里源出雙水坑從東北流至

西北非東南出海之
雙溪口下大房溪同

大房溪 城西北五十里源出后褒嶺從東北
流至雙溪口復南流會於側儻渡

銅鼓溪 城西北四十里源出斜坑從西流
至英那溪復南流會於側儻渡

起龍潭 城西南六十里發源於牛鼻嶺岸高十餘
丈潭深無底相傳有巨魚化龍故名下半

里許有灘積石如壁懸流瀑布聲聞數
里北行四十里經唐官渡會於南渡

博袍水 城西南一百里源出博袍山下西流由洪
排港入海又南一支曰博窻水宋初士人

吳祿臨流建亭匾曰博
窻故名亦入洪排港

平瀾壑 城西南一百一十里發源家山嶺北行十
餘里為北和溪復行十餘里水勢漲湧懸

瀉俗名為冲西南逸
徒會嶺出烏石港

海康縣志

卷之一

疆域

三

潭浪水 城西南一百三十里源出英高嶺西流遠
徒會嶺由烏石港入海舊郡志合北插溪

東注於
海誤

北插溪 城南六十里源出石茆嶺西
流經嘉灘瀑出海康所港

婆陸水 城西南一百一十
里下流合北插溪

嘉灘瀑 城南七十里上通北插溪灘之上壁立數
仞有瀑布長流每旱以欲雨則聲聞十餘

里雨久欲晴亦然灘下有小平潭小潭下有大潭水
勢停蓄俗名長窟廣數里從此奔流至五龍溪匯

海康港
入西海

潭灘 城西南七十五里發源於邗畢嶺北至馬鞍
嶺瀑布懸流與嘉灘瀑東西十餘里相對俗

名大小瀑布流下五
龍溪由海康港入海

曹家溪

城南三十里自石荊嶺發源流向北歷代

響壁灘

有二上下相距里許在城南四十五里上

雷如

後遮水

城東南四十里曹家陂

邁生溪

城東南五十里發源石荊嶺北行十餘里

塘港與雙溪港會歸於東海

石壁潭

城東南四十餘里石環如壁水聲如雷上

歸海

張洪溪

城東南五十五里源出時禮嶺北流經調

海康縣志

卷之一

疆域

三

北荊海

調風溪

城東南八十里調風墟南石荊嶺東北

馬王橋溪

諸水至此合流東入烟樓港出北荊海

北荊海

雙溪港

城東南二十五里有砲臺海潮至此

淡水港

城東南六十五里有汛

赤日塘港

城東南四十里

調陳港

城東南八十里

新庵港

城東南一百里通

離蓬港 城西四十里通南渡非海

洪排港 城西南一百二

頭港 城東八里上

海康港 卽石港城西南一百里南岸有城曰

烏石港 卽房祭港城西

流沙港 城西南一百三十里卽謝家港昔有

鄉都 府之爲鄉十屬縣者二鄉之爲都二十九屬

之內

東北隅 附郭東北舊郡

海康縣志 卷之一 疆域 三六

西南隅 附郭西南舊郡

延德鄉 城西南六十里領都五今有延德鄉石

第一都 城東南二十里舊圖十

第二都 城西南十里舊圖八舊

第四都 城西南十里舊圖十九

第五都 城西南二十里舊圖八

第六都 城西南五十里舊圖十

延和鄉 城東南一百二

第七都 城西北二十里舊圖十

第九都城西南一百二十里舊圖三
 第十都城西南一百五十里舊圖
 第十一都城西南一百四十里舊圖
 第十九都城東南一百二十里舊圖

社村

白沙社
 渡南社

大埔社
 南祿社

調排社
 黎郭社

調賢社
 那山社

海康縣志 卷之一 疆域 二十九

扶柳社
 安苗社

略斜社
 安欖社

塘尾社
 武郎社

英風社
 官和社 即舊那和官山
 二社今併為一

那里社
 調襖社

淡水社

白院村 城西南八里雷
 祖後裔世居

白院東井村 城西南八里王
 張陳三姓世居

下井西園村 城西南十三里
 陳黃姓世居

東山村 城西六里 梁姓世居

麻舍村 城西十五里 陳姓世居 居。上俱白沙社

南渡村 城南十里 黃姓世居

東園村 城南二十里 黃姓世居

馬鉄村 城南二十里 蕭姓世居

港東南江村 城南十里 王姓世居

永平村 城南二十里 擊雷山南

下坑村 城南二十里 何 洪二姓世居

港西村 城南十里 方姓世居 居。上俱渡南社

海康縣志

卷之一

疆域

三

大埔東西二村 城東十二里 黃楊 吳陳四姓世居

大埔中北二庄 城東十三里 鄭 陳二姓世居

麻演后邊村 城東南十里 黃 鄭二姓世居

禪妙村 城東十里 黃楊 何鄧四姓世居

下嵐上村 城東十八里 陳姓世居

下嵐仙村 城東十八里 林姓世居

東湖村 城東十二里 陳清 謝故里

頭角村 城東十五里 歐姓世居

龍頭村 城東十里 陳姓世居 居。上俱大埔社

樂只村 城北五十五里蔡姓世居

秦坡村 城北五十里陳姓世居

文山村 城西北七十里蔡姓世居

高喬黃處村 城西北六十里黃姓世居

和巔村 城西北四十里黃姓世居

調排村 城西南二十里

金坡村 城南二十里黎姓世居

東井村 城南二十里周姓世居

山尾村 城南二十里林姓世居

內巷松溪村 城南二十里歐姓世居

黎郭村 城西二十里莫姓世居

平源村 城西十五里黃姓世居

調爽村 城西十二里陳姓世居

東嶺村 城西二十里莫姓世居

方家村 城南三十里楊姓世居

北山子村 城南三十里楊姓世居

山內村 卽那山村城南二十里蔡姓世居

深泥村 城南二十五里蔡楊二姓世居

海康縣志

卷之一

疆域

陳排村 城東南三十里 鄧姓世居

后朗村 城南二十五里 林姓世居

芝林村 卽曹家村 城南三十里 陳張二姓世居

高田村 城東南三十里 高吳二姓世居

西村 城南五十五里 朱姓世居

東村 城南十五里 林姓世居

荇洲村 卽尾田村 城南三十里 卽尾田村 城南三十里 吳姓世居

溪頭村 城南三十里 蔡姓世居

宋家村 城南二十里 宋姓世居 柯姓同居

海康縣志

卷之一 疆域

步月村 城南二十里 林姓世居

塘頭西北村 城南三十里 羅姓世居

塘頭東南村 城南三十里 陳姓世居

新村 城南十四里 關姓世居

山尾村 城東南三十里 蘇姓世居

塘尾中村 城東南二十五里 林許二姓世居

西村 城東南五十里 蔡姓世居

扶柳村 城東南三十里 柯宋二姓世居

博仁村 城東南三十里 宋姓世居

城家村 城東南五十里 陳姓世居

邁生村 城東南五十里 陳姓世居

調銘村 城東南六十里 陳姓世居

南熏村 城東南六十里 吳姓世居

里仁村 城東南六十里 程姓世居

仙麻村 城東七十里 林姓世居

時禮村 城東南七十里 蔡姓世居

題橋村 城東南五十里 宋姓世居 ○上俱扶柳社

南勞村 城西三十六里 雷姓世居

海康縣志

卷之一

疆域

三

調龍村 城西北五十里 何姓世居

那穩村 城西四十里 陳姓世居

那平村 城西北四十五里 陳姓世居

陳高村 城西四十里 陳姓世居

陳家村 城西四十里 陳姓世居

佃儻上村 城西四十里 林姓世居

邁坦村 城西北六十里 梁姓世居

北村 城西四十里 蔡姓世居

田頭村 城西北六十里 梁姓世居

北勞村 城西四十里黃姓世居 ○上俱安社

酒坡村 城西四十里張姓世居

符處村 城西四十里符姓世居

銅鼓村 城西五十里陳姓世居 ○上俱略斜社

安欖村 城西三十里宋咸淳間黃安唐欖修築村東溪渡故名

仙安村 城西南三十里

官塘村 城西三十里宋時有王御史種蓮塘故名今為唐姓世居

西廳村 城西南二十里吳許陳李何黃謝蔡八姓世居

肇欖村 城西三十里卓姓世居

海康縣志 卷之一 疆域 三十四

東坎村 城西南三十里官姓世居

草郎村 城西南五十里吳姓世居

賴吳村 城西四十里吳何二姓世居

張嘉村 城西六十里吳姓世居

墨坑村 城西六十里吳姓世居

覃庇村 城西六十里吳姓世居

杜陵村 城西南五十里吳姓世居

張嘉西村 城西南六十里蔡姓世居

蘇屋村 城西南八十里林姓世居

竹村城西六十里
陸姓世居

厚褒村城西六十里
陳姓世居

袍祿村卽坡尾村城西四
十里王姓世居

靈界村城西六十里何姓世
居○上俱安攬社

官慕村城西五里
王姓世居

水美村城西二十五
里李姓世居

胡村里城西三十五
里何姓世居

謝家村城西二十五
里謝姓世居

和家上村里城西二十五
里符姓世居

海康縣志

卷之一 疆域

洪富村城西三十里
洪姓世居

石奇村卽崩塘村城西十五里李
姓世居○上俱塘尾社

武郎村城西七十里
李姓世居

高家村城西六十里
馮姓世居

土畝村城西七十里
卓姓世居

田頭村城西九十里林
豪黃三姓世居

田西村城西八十里
謝姓世居

博袍村城西九十里
鄧姓世居

烏黎村城西九十里
鄧姓世居

白霧村 城西九十里 王姓世居

賞村 城西九十里 周姓世居 ○上俱武郎社

足榮村 城西南九十里 陳姓 雷祖後裔世居

博懷村 城西南七十里 鄧姓世居

鵝感村 城西南七十里 官姓世居

潮陽村 城西南七十里 鄧姓世居

調洋東村 城西南七十里 莫姓世居

淘汶村 城西南八十里 黃姓世居

扶茂村 城西南八十里 翁姓世居

海康縣志

卷之一 疆域

調和村 城西南九十里 鄧姓世居

獲樹村 城西南一百里 勞姓世居

文堂村 城西南一百里 陳姓世居

平步村 城西南一百二十里 吳姓世居

上言村 城西南一百二十里 陳姓世居

塘邊村 城西南一百二十里 李姓世居

那襖村 城西南一百二十里 梁姓世居

英嶺村 城西南一百三十里 廖姓世居

房叅村 城西南一百二十里 黃王二姓世居

龍屋村 城西南九十五里吳姓世居

那成村 城西南七十五里楊姓世居

平樂村 城西南一百三十里
○上俱英風社

溝仔村 城西南七十里蔡姓世居

草蓄村 城西南六十五里
村張二姓世居

九斗洋西村 城西南八十里黃姓世居

那宛村 城西南七十里吳姓世居

南安村 城西南七十里李姓世居

祿馬后嶺村 城西南八十里鄧姓世居

海康縣志 卷之一 疆域

龍門村 城西南一百里吳姓世居

禮顏村 城西南七十里黃姓世居
○上俱官和社

中坑村 城西南一百一十里李姓世居

后湖村 城西南一百四里陳姓世居

邁炭村 城西南一百四里周姓世居

三宗村 城西南一百三十三里李姓世居

東英村 城西南一百二里唐姓世居

華堂村 城西南一百一十里胡姓世居

英頤村 城西南一百三十里
○上俱那里社

南田村 城東南八十

大林村 城東南九十里村瀕海居民

過路塘村 城東南一百里村濱海

連村 城東南八十

義安村 城東南八十

祿切村 城東南七十五里王姓

黃家村 城東南一百二

念八村 城東南七十

東里南村 城東南一百

海康縣志

卷之一 疆域

雲路村 城東南六十

南頭村 城東南七十五

義江村 郎淡水村城東南八十里宋陞授

建康建寧村 城東南一百八十里

品題村 城東南六十里卓姓

市

南門市 附郭

西門市 附郭

南興市 城南二十五里知

平湖市 城西南七十里

將軍市 城南六

石盤市 城南一百

那爐市 城東南一百

官牛市 城東南五

那軒市 城東南九十里

官昌市 卽牛郎市城東南一百一十里

雲津市 城西南二十里 有社倉

調風市 卽大湖市城東南七十五里 舊有社倉

邁生市 城東南五十里 今廢

松竹市 卽山門市城西南二十里

牛軛曲市 城北三十里

雷高市 城東南三十里

唐家市 卽山坡市城西七十里

客路市 城西北五十里

楊家市 城西十五里

馮富市 塘尾社 今廢

盧亭市 城西北十五里

陳家市 城西北四十里

合興市 卽何家市城西北三十里

土塘市 城西北五十里

海康縣志

卷之一 疆域

三

北和市 城西南九十里 舊有社倉 清道司駐此

潭斗市 城西南一百二十里

鹽塘市 卽東山市城西北九十里

泉水市 城南三十里

平場市 城西北九十里

鷄哥市 今廢

特浪市 今廢

英利上市 城南七十里 下墟屬徐聞

調洋市

烏秋市 城西南六十里

宿官市

那霜市

禁山市

埠

南亭埠 郡西南十里

南浦津埠 郡南二

麻沉埠 郡東南三里

西山埠 郡南三里

花橋埠 郡南四

高田埠 郡南四

沙脊埠 郡東南五

新港埠 郡東南七

調陳埠 郡東八

建康埠 郡東南二

大臨埠 郡東南八

英散埠 郡南一

烟樓埠 郡東南九

海宅埠 郡南一

角頭埠 郡東南九

英羅埠 郡南一

烏石埠 郡東南九

英兜埠 郡南一

海康縣志

卷之一 疆域

埠

永安埠 郡東三

灣蓬埠 郡南一

英隼埠 郡南一

翁家埠 郡西南一

英嶺埠 郡南二

龍門埠 郡西南一

流沙埠 郡南二

祿州那打埠 郡西南一

武郎埠 郡西一

新場埠 郡西南一

烏石埠 郡西南一



海堤 雷郡濱海近郭東南平疇數萬頃若民數千

宋紹興間經界司始委胡簿沿海築堤以禦之起自下坡渡表迤而北轉西至調排北洋一起自

蕭家洋袤延而西轉南至扶柳洋一起自白院渡
袤延而東轉北至進德村。乾道五年知軍事戴
之邵以前堤尚隘復於胡簿堤外增築盡包濱海
斥鹵之地高廣倍前墾田數百餘頃名曰陳言因
陳氏建言而成也其後提刑張琮通判趙希呂知
軍事薛直夫孟安仁相繼修築。元宣尉使張溫
復行修築。明洪武四年同知余麟孫知縣陳本
遂溪知縣王淵協議修堤岸以千字文天地元黃
下二十四字分號起自下坡渡之堤以閩餘成歲
下十六字分號起自蕭家洋之堤謂之南堤以二
十八宿字分號起自白院止於東洋河南村之堤
謂之北堤。成化八年颶風壞堤知府黃瑜委推
官秦鍾縣丞周榮督工修築尋復崩知府魏瀚繼
築。正德十年又比知府王秉良增築功倍於昔
嘉靖元年知府易泰復於北堤之上添作一堤起自
二橋以六藝禮樂射御書數為號下接角字又於
南堤之東堤霜字下接作一堤以金生麗水王出
六字為號南至高田埠各置水閘。嘉靖壬子六

海康縣志

卷之一

疆域

聖

月颶風大作鹹湖泛漲南北二洋居民漂沒千餘
家淹死數十人知府羅一鶚調三縣人夫修築。
隆慶庚午風潮崩堤數處凡數千丈知府唐汝迪
修補其張字堤灣曲淤水易壞移基改直。萬歷
十六年十八年颶風連作堤多陷至基兩洋居民
蕩折殆盡田數萬頃悉屬荒蕪知府林廷望委知
縣秦懋義親勘支庫銀一千五百兩丁糧起派銀
一千五百兩委推官陳泰且督工從底修築高大
倍前內河渠閘口俱用石砌。國朝康熙三十五
年縣人福建巡撫陳瓊以堤岸歲久崩陷具奏發
帑項五千三百二十四兩大加修補瓊復奏東洋
自井字堤至遂溪癸字堤共一十七處最易冲决
願將已廉銀五千兩交粵省督臣添採大料磚石
以求永固弁後遇有潮水崩傷動帑修理。乾隆
十五年巡撫託始奏此後堤岸若遇崩壞民願按
田科派出夫修築不動官帑至今奉行。三十五
年首事歐陽拔等呈明知縣李芝芳派修東洋井
鬼挪星七字大堤。四十二年首事鄭宗旺等又

呈明知縣王元珩派修東洋井鬼柳星七字大堤
○四十九年首事黃魁等呈明知縣吳鴻謨派修
南岸閘餘成歲律呂調陽八字堤○五十六年首
事陳維屏等又呈明知縣宋詔派修東洋井鬼柳
星七字大堤○六十年首事吳英良等呈明知縣
徐錫智派修南岸元字堤○嘉慶四年首事翁誠
輝等呈明知縣徐錫智派修東洋井鬼柳星七字
大堤首事歲貢周植槐呈明知縣馬銓派修東岸
暑徃狄三字堤○五年首事監生黎永超等又呈
明知縣馬銓派修南岸收字堤○十年首事吳元
芝等呈明署知縣高經祥派修南岸雲騰二字堤
移基改築比舊堤加長二百八十六丈添大小水
閘六所○十六年首事陳源泗等呈明知
縣周學醇派修東洋井鬼柳星七字大堤

天字號一百六十八丈水閘一

海康縣志

卷之一

疆域

聖

地字號三百四十四丈水閘一

元字號二百七十八丈水閘一

黃字號四百二十七丈水閘二

宇字號二百八十九丈水閘一

宙字號三百一十六丈水閘二

洪字號三百丈水閘一

荒字號三百五十五丈水閘一

日字號二百三十一丈水閘一

月字號一百三十丈水閘一

盈字號二百六十七丈水閘一

吳字號三百一十五丈水閘一

辰字號三百八十二丈水閘一

宿字號二百四十七丈水閘一

列字號二百三十三丈水閘二

張字號一百五十丈水閘一

寒字號一百七十丈水閘一

來字號三百三十丈水閘二

暑字號二百丈水閘一

往字號二百丈水閘二

海康縣志

卷之一

疆域

聖

秋字號二百八十六丈水閘二

收字號二百五十丈水閘二

冬字號三百丈水閘一

藏字號三百五十一丈水閘二

上南堤之西堤共二十四號計堤長六千六百一十四丈為閘三十二所起自下坡渡盡於調

排北洋

閏字號一百七十丈水閘一

餘字號一百二十丈水閘一

成字號一百二十丈水閘一

歲字號一百二十丈水閘一

律字號一百四十丈水閘二

呂字號一百四十丈水閘一

調字號一百四十丈水閘一

陽字號一百四十丈水閘一

雲字號舊一百三十丈水閘一今二百五十丈大

閘二小閘二

騰字號舊一百丈水閘一今二百六十六丈大閘

海康縣志

卷之一

疆域

四

二小閘二

致字號一百八十丈水閘一

雨字號一百二十丈水閘一

露字號一百二十丈水閘一

結字號二百丈水閘一

爲字號一百二十丈水閘一

霜字號二百六十丈水閘一

金字號一百八十丈水閘一

生字號一百八十丈水閘一

麗字號一百八十丈水閘一

水字號三百二十丈水閘一

王字號三百五十丈水閘一

出字號四百丈水閘一 自金字至出字六號原係增築 今自致字至出字

十二號多半崩壞無修

上南堤之東堤共二十二號計堤長四千二百

一十六丈為閘二十九所起自蕭家洋盡於高

田埠

六字號三百四十丈水閘一

海康縣志

卷之一

疆域

五

藝字號三百六十丈水閘一

禮字號五百五十丈水閘一

樂字號三百二十丈水閘一

射字號三百五十丈水閘一

御字號三百二十丈水閘一

書字號三百五十丈水閘二

數字號七百丈水閘一 自六字至數字八號原係增築

角字號三百二十三丈水閘一

亢字號四百五十丈水閘一

氏字號二百五十丈水閘一

房字號一百五十丈水閘一

心字號二百九十三丈水閘一

尾字號三百五十丈水閘一

箕字號二百五十丈水閘一

斗字號五百五十丈水閘一

牛字號五百五十丈水閘一

女字號二百二十二丈水閘一

虛字號五百五十五丈水閘一

自六字至虛字十九號今堤多坍塌

海康縣志

卷之一

疆域

巽

無修

心字號七百五十丈水閘一

室字號二百五十丈水閘一

壁字號三百五十丈水閘一

奎字號二百一十三丈水閘一

婁字號二百五十丈水閘一

胃字號二百八十丈水閘一

昂字號五百七十丈水閘一

畢字號二百七十一丈水閘一

紫字號三百六十八丈水閘一

參字號三百二十丈水閘一自危字至參字十號為小堤

井字號三百三十三丈水閘二

鬼字號三百三十丈水閘一

柳字號二百七十丈舊水閘一今閘二

星字號四百九十九丈水閘一

張字號三百丈水閘一

翼字號三百丈水閘一

軫字號一百五十丈水閘一自井字至軫字七號為大堤

海康縣志

卷之一

疆域

罷

上北堤共三十六號計堤長一萬三千零三十七丈為閘三十八所起自二橋盡於東洋河南

村接遂溪甲字堤

護城堤即土龍河靠西一帶大長堤明嘉靖二十一年巡撫蔡經相城東北薄海空濶議築

堤以衛之命分巡道翁溥親督其事堤長七百餘丈高八尺積稅二十五畝給官價銀七十餘兩其

稅用開墾別稅補之

西湖堤城西半里宋紹興間知軍事何庾築堤以

事戴之邵重修明嘉靖間知府楊表黃行可相繼

修築至萬歷間西開為水衝決署府事戴嘉猷重修堤伐石砌閘後知府林恕又築新堤開五閘詳見西湖注并總論今堤地已久現議修復

河渠

何公渠 有三宋紹興二十八年知軍事何庾開鑿

自西湖東開直下南亭橫經通濟橋而注之東一

自特侶塘建閘南流與湖水合灌萬頃洋田時號

何公渠歲久湮廢蹟存惟西山活水如故

戴公渠 有二俱宋乾道五年知軍事戴之邵鑿一

百二十步別開一渠導流而南會張贖塘水至東

橋與西湖渠水合計長二千七百六十丈濶三丈

深一丈沿渠築堤瀦水高濶各六尺堤置八橋以

通往來開八渠以分灌溉各長一千八百丈濶一

丈深五尺東建萬頃閘以拒水故南亭閘以泄水

塘堤建八原作大閘開二十四渠以沃東北上游

田各長千二百丈深濶各五尺凡渠首尾悉為閘

以出納經營周密民刻石號曰戴公渠一何公南

海康縣志

卷之一

疆域

吳

亭渠閘湮廢水不東流復於西湖東鑿水八城由
圓通寶閣下過東與東渠河水合灌附郭高壤田
委流至東橋合特侶水亦灌東洋田計長四百二
十丈深九尺濶七尺俱砌以石凡通衢則架石橋
民亦刻石於阜民橋下號曰戴公渠嘉熙間知軍
事薛直夫明天順間參政胡拱辰成化間知府魏
瀚宏治初知府鄧璩相繼濬決至宏治十二年僉
事王相以淤積水滯命知縣王瑁毀其石移砌南
亭渠閘引擎雷溪湖水直抵南亭轉東會特侶水
灌東洋田功未就而王相王瑁罷去兩渠並廢正
德九年知府王秉良伐石沿砌戴渠復焉萬歷三
十二年推官高維岳復濬治之宋薛直夫有渠堤
記明給事中
許子備有記

陂塘

那耶陂 城西南五里第四都麻扶村宋寶祐四年
知軍事孟安仁始為塘明洪武八年通判

李希祖易為陂建閘灌麻蛇洋田二十八年主簿鄭伯高重築

窮源陂城西南五里第四都麻扶村宋寶祐間知軍事孟安仁始為塘明洪武八年通判李

希祖易為陂引水灌本村田二十八年主簿鄭伯高重築

象骨陂城西二十里第四都白院村以田西石類象骨故名宋咸淳間為塘明洪武三年知

縣陳本易為陂灌田四頃。案今之白院村距城僅八里

那崔陂城西二十里第四都平原村宋治平四年鄉人顏同翁始為塘後廢明洪武十八年

知府秦時中易為陂灌調爽等處田以岸有顏那崔家居故名舊郡志云四十里誤

徒林陂城西四十里第四都略斜村宋治平間開築為塘灌田後廢明洪武三年知縣陳本

改為陂灌田如故

海康縣志

卷之一 疆域

四九

那多末陂城西七十里第四都山仁村宋元符間鄉民開為塘灌田元季廢明洪武三年

知縣陳本改為陂二十八年主簿鄭伯高築

曹家陂城東南三十里第一都曹家村明永樂四年通判張楫伐石建橋閘沿舊渠引水自

本村迤邁特官路之西長七十丈濶一丈六尺深五尺正德九年知府王秉良拆其石移砌戴渠今

閘廢渠存

足榮塘城西南九十里足榮村西周圍二十畝

徒兵塘城西一十五里第四都徒兵村元至治二年鄉民築周廣二畝灌田

石奇塘城西十五里第二都北山村宋寶祐四年知軍事孟安仁開築周廣八畝灌麻扶等

處山明洪武二十八年通判李希祖正德十年知府王秉良相繼重濬舊志云七十里誤按此塘

今廢為田而源泉湧山雖旱不竭麻扶等處田受灌如故

那蘊塘縣西四十里第四都那蘊村宋嘉祐間鄉民開築灌本處田明洪武十年重築

柯四苟塘城東南三十里第一都扶柳南坡宋治平四年鄉人柯四苟開築周廣六畝積

水蔭扶柳等處田明洪武二十八年知府秦時中以難修復去二里許有嚴家灘廣十畝注下可灌

重築萬歷四十一年居民爭訟縣丞項世聰親勘水待灌乃捐俸買田開塘以均給八岸而移其稅

於缺額衆皆悅服知府深嘉其能焉

都悲塘城西六十里第四都都悲村宋寶祐間開築積水灌本處田明洪武七年重築

勤萬塘城西南六十里第四都勤萬村宋天禧間開築積水灌本處田明洪武三年重築

那勞塘城西南一百五十里第九都那勞村元至和三年開築積水灌塘下田明洪武十四

海康縣志

卷之一

疆域

三

年修築

漏恹塘城西南一百五十里第九都漏恹村明洪武十一年知縣黃弼開築積水灌本處田

潭家塘城西南一百四十里第九都平欄村元至和二年開築積水灌下坡等處田明洪武十

二年重築

椰子塘城西南一百里第十一都良慕村宋寶祐四年知軍事孟安仁開築周廣六十餘畝

積水灌良慕等處田明洪武十八年知府秦時中重築

潭欖塘城西南一百里第十九都那牽村明洪武間開水為塘周圍二十畝積水灌那多乾

田二頃餘

那讓酸塘城西南二十里第四都中和石頭村后明洪武十四年鄉民呈官開築廣一頃

七十餘畝積
水灌本處田

那蓬塘 城南一百五十里第九都那蓬村明洪武

田五頃

南亭塘 城西第一都西坡

白水塘 城西二里第

塘邊塘 城西一百二十里周圍三

草欖塘 城東南九十里積水

堰閘

芝林南堰 城南三十里第一都芝林村南溪明天

海康縣志

卷之一

疆域

五

歲久崩壞正德十一年重築尋地嘉靖五年復築

又地國朝乾隆八年知縣伍斯琳勸示修築仍

東西二溝分濟因用土堵塞舊址屢傾三十三年

貢生蔡文麟監生陳中秀捐銀自原址移上數丈

伐石砌堰壘作東西二閘以資絞閉堰底濶四丈

高一丈四尺長七丈餘堰面濶八尺東西閘各長

四丈餘橫濶七尺高與堰平知縣韓述祖嘉其義

舉列碑嚴禁保護而南洋之田永資灌溉其村北

為芝林北堰亦明天順間鄉民所築以灌北洋田嘉靖以後廢

赤泥堰 城西七十里第七都赤泥顏沙等坑田

羅卜堰 城南六十里水灌赤泥亦東西往來要路也

儂子堰 縣南六十里瀆勝橋一丈

將軍堰 縣南五十餘里瀆二

草地堰 縣南六十里濶四丈餘水源出將軍橋

那婁堰 縣南六十里俗名曲堰濶三丈餘水源出草地堰

鐵爐港堰 城東南六十里第九都義江村東乾隆三十二年職衛千總陳經魁築

新堰 城東南八十里南田村東南該村陳姓修築灌南田村等處田

東溪堰 縣南一百里濶三丈餘水源出遇賢橋

那奇橋閘 城西二十里第八都明嘉靖二十年鄉民請於上憲官給銀伐石修砌建閘為橋二間跨於橫豎溪上長十丈餘灌田數十頃

戶口

唐宋以前戶口無考

海康縣志

卷之一 疆域

五

元縣戶三萬六千四百九十八坊都一百五十里

明洪武二十四年戶二萬三千五百九十五口九

萬七千一百九十九

天順六年縣民戶一萬三千七百九十 軍戶三

千七百一十一 竈戶三百七十 校尉力士戶

四 道戶一 蛋戶二百九十一 弓兵舖兵防

夫墾夫戶一百零九 各色匠戶一百零四 坊

都一百二十八里

成化八年雷州府被猺殘破人民蕩析十存四五

里數損少戶口無考縣坊都止存五十里

十八年縣戶一萬二百六十六口二萬八百六十

宏治五年縣戶一萬四百一十口二萬三千二百

二十七

正德七年縣戶一萬零四百三十三口二萬二千

七百二十七

嘉靖十一年縣戶一萬五百六十八口二萬四千

八百七十九

萬曆十一年縣戶一萬四千零八口三萬一千

三百

海康縣志

卷之一

疆域

五

四十一年縣民戶一萬一千零六十 軍戶三千

七百一十 民戶六千四百六十六 校尉力士

戶六 竈戶四百六十八 蠶戶一百八十八

弓兵舖兵防夫墥夫戶一百七 各色匠役戶一

百一十五 丁口男婦二萬三千一百七十三

男子一萬八千六百二十丁 成丁一萬四千七

百五十一不丁三千八百七十 婦女四千五百五

十三口

國朝康熙十一年縣戶一千九百二十四

十一年縣徵丁二千七百六十一丁五分婦女一千一百四十三口又屆編審增丁除抵補老弱開除外寔增人丁一百六十一丁五分婦女三十四口十二年屆編審縣丁三千二百五十二丁五分婦女一千二百八十一口

五十年奉

旨以本年丁冊定爲常額續後滋生人丁永不加賦

五十五年奉

旨將丁糧攤入地糧永行遵照

海康縣志

卷之一 疆域

五

雍正十二年以前各屆編審數目金同康熙十年乾隆元年十一年十六年二十一年二十六年五屆編審縣男丁八千三百二十四丁 食鹽課口六千四百八十六口

三十一年屆編審縣滋生人丁二百九十九丁

三十六年屆編審縣滋生人丁八十五丁

三十七年奉

上諭編審之例永行停止

嘉慶十四年因海洋多事奉查保甲復編造戶冊

縣民屯戶一十一萬三千七百五十二 男十六
萬零六百三十六丁 女十四萬九千七百二十
一口

田賦

官民田山塘夏稅秋糧額辦歲辦魚塘課米等項
宋元以前無考

明洪武二十四年縣官民田山塘五千四百八十
二頃夏稅折米二十九石五斗五升三合七抄秋
糧米二萬二千四百八石二斗六升二合三勺六

抄五撮三圭 桑絲八兩六錢四分魚課米五百
五十一石五斗六升八合八勺 魚油八百二十
七觔五兩六錢六分 魚鰓一十七觔三兩七錢
九分 鈔九千八百七十五貫一百零二文銅錢
四千八百七十貫三百八十三文

永樂十年宣德正統景泰至天順六年縣官田地
塘一百四十二頃八十七畝八分四釐一毫夏稅
小麥折收糧米三石九斗秋糧租課米四千二百
一十四石六斗二升九勺六抄五撮四圭 民田

地塘五千三百六十一頃五畝九分九釐夏稅小麥折收糧米二十九石六斗一升六合秋糧課米一萬七千二百三十一石二斗二升九合六勺六抄九撮五圭 額派周歲商稅課鈔一萬四千四百三十九貫六百文閏月加鈔一千五百六貫八百六十七文 周歲市舶課鈔三百四貫二十七文閏月加鈔二十九貫五百七十三文弁遂溪在內 周歲酒醋課鈔四十六貫五百六十二文閏月加鈔一十貫七百六十二文周歲密冶課鈔四十一

貫三百八十二文閏月加鈔三貫四百四十八文 房地地賃鈔周歲六十貫七百二十文閏月加鈔五貫六十文 周歲比附課鈔四十一貫九百三十文 河泊所比附魚課米五石八斗六升八合八勺

成化元年縣田地山塘一百四十二頃八十七畝八分四釐一毫夏稅三石九斗秋糧四千二百一十四石六斗二升九勺六抄五撮四圭

宏治十五年又加藥味翠尾麋羔水底鹿皮生漆

等項 縣夏稅二十九石六斗一升六合秋糧米
二萬一千四百四十六石八斗五升六勺二抄五
撮四圭有微米一萬八千七百五十石五斗五升
一合九勺五抄七撮 魚油三百二十五觔 魚
鰾四觔七兩二釐 辦歷本紙三萬一千張 歲
貢益智子一百二十觔 歲辦藥味料四百觔銀
八兩 翠毛四十二個生漆六百四十九觔價銀
五十六兩一錢六分 歲辦麋皮麋羔皮羊羔皮
狸皮各雜皮五百三十八張價銀一百五十九兩

年例坐派水底皮六張銀九十三兩五錢七分
四釐 白硝鹿皮六十張銀三十七兩八分五釐
一毫 年例生漆二百觔銀一十六兩 酒醋各
色課程鈔五千八百七十三貫八百九十八文
課米五百五十七石四斗三升七合六勺五抄
嘉靖十一年縣官民田地塘五千五百三頃九十
三畝八分三釐一毫夏稅小麥折收米二十九石
六斗五合八勺三抄秋糧正耗米二萬一千三百
二石八斗七升一合二勺三抄一撮五圭租錢折

米七十三石八斗五升五合七勺五抄九圭課米七十石一斗二升三合五勺

萬歷元年縣官民田地塘五千六百七十六頃夏稅二十九石六斗五合六勺秋糧二萬二千二十三石二斗六升七合

二十年 續派甲丁供用三庫料價及鋪墊銀木府三縣官米每石加派銀五釐五毫縣田地賦稅及派額折徵俱與前同

四十一年以縣丁糧均派各項并外派魚課米魚

汕料等縣官民田地塘五千六百七十四頃四畝九釐五毫三絲一忽一微 夏稅小麥折夏米二十九石九斗五合五勺秋糧官米五千一百七十六石三升二合六勺九抄五撮八圭民米一萬七千一百六十七石三斗四升八合九勺三抄三撮八圭 塘課米六十四石八斗八升六勺 魚課并比附米無間二百二十七石六升八合二勺遇閏年添派米二十二石四斗八升二合俱課戶徵辦不入通縣條鞭銀內又屆墾料官民塘課米二

十一石七斗九升六合一抄八撮七圭七粟三粒
歲派京庫銀以通縣官塘課米五千二百四十一石
九斗一升三合二勺九抄五撮八圭又以民米內
抽派三百四十七石八斗四升七合一勺三抄四
撮六圭九粟六粒共派每名俱派銀二錢五分共
該銀一千三百九十七兩一錢九分一毫七忽零
每兩帶徵水腳銀三分該銀四十一兩九錢一分
五釐七毫零 本府廣積倉本折色米八千七百
四十四石四斗三升六合九勺二抄三撮七粟七

粒以通官民米內抽派每石連耗篋派銀四錢二
分六釐該銀三千七百二十五兩一錢三分一毫
二絲九忽零 派撥廉州府廣儲倉米一千一百
二十石八斗九升五合五勺五抄以民米內抽派
每石折銀三錢六分該銀四百三兩五錢二分二
釐三毫九絲八忽 派撥合浦縣永安倉米一千
八百五十三石五斗一升四合七抄七撮四圭以
民米內抽派每石折銀三錢六分該銀六百六十
七兩二錢六分五釐六絲七忽零 派本府儒學

米九百五十七石六斗以民米內抽派每石折銀
五錢該銀四百七十八兩八錢 存留本縣倉木
折色民米三千四百八十四石二斗五升八合七
勺四撮六圭一粟五粒夏米二十九石九斗五合
五勺每石俱派銀四錢二分六釐該銀一千四百
九十七兩三分三釐九毫五絲一忽 解司軍餉
米六百五十八石七斗九升六合五勺四抄四撮
零以民米內派每石折銀四錢該銀二百六十三
兩五錢一分八釐六毫一絲七忽六微 額派均

一料銀七百二兩六錢五分六釐八毫九絲九忽
零以通縣官民塘課米派官米塘課米每石俱派
銀一分七釐七毫七絲七忽零民米每石派銀三
兩五釐五毫零二忽七微零 續派四司料并貢
布價銀四百二十七兩六錢五分八釐九絲二忽
零以通縣官民塘課米派官塘課米每石俱派銀
九釐八絲六忽一微民米每石派銀二分二釐一
毫三絲七忽四微九僉零 鋪墊并京佑料銀一
百二十四兩四錢二分四釐一毫六絲二忽零以

通縣官民米派每石派銀五釐五毫六絲八忽七微三僉零 增派紫竹梨木翠毛等料銀二十五兩六錢七分七釐一絲三忽五微零以通縣官民塘課米每石俱派銀一釐一毫四絲五忽八微七僉零 軍器料銀六十一兩一錢二分一釐二毫四絲八忽零以通縣民米每石派銀三釐五毫六絲三微一僉九沙五塵七埃 總兵廩給弁掾史衣資無間銀八兩一錢五分三釐八毫一絲九忽三微以通縣民米每石派銀四毫七絲四忽九微

六僉零遇閏年另添派 魚課弁比附米無間銀七十一兩五錢二分六釐四毫八絲三忽以魚課無間米每石派銀三錢一分五釐係課戶派辦不入通縣條鞭銀內 魚油料無間弁水脚共銀三十二兩三錢一分八釐以魚課無間米弁比附派每石折銀一錢二分九釐五毫五忽零係戶課徵辦不入通縣糧米銀內 議增供應稅監銀七兩二錢八分六釐八毫二絲一忽七微以通縣民米每石派銀四毫二絲四忽四微五僉零此銀四十

二年太監故無派

四十七年縣官民田地山塘五千六百七十四頃零四畝零九釐五毫照派銀一千五百四十兩零一錢六分一釐六毫

四十八年又加派三釐五毫旋又加派二釐連前每畝共九釐通省只派七釐本府照派該銀九千一百五十六兩一錢九分五釐二毫計剩每畝二釐嗣後俱照派徵惟天啟五年搜括抵充無派縣照派該銀三千九百九十二兩二錢五分五釐二毫

海康縣志

卷之一 疆域

奎

崇禎四年又加派三釐連前共一分二釐通省只派九釐五毫本府照派該銀一萬二千二百七十四兩一錢九分四釐六毫計剩每畝二釐五毫縣照派該銀五千三百五十一兩七錢五分五釐四毫崇禎五年又將前剩數內每畝移派一釐三毫充本省缺額兵餉該銀一千六百九十一兩七錢三分五釐八毫遼餉粵餉共銀一萬三千九百六十五兩九錢三分零三毫縣照移派該銀七百三十七兩六錢二分五釐三毫遼餉粵餉共銀六千零

八十九兩三錢八分零七毫

九年又將前剩數內派溢地每畝一釐零三絲除
前加派外又該銀一千三百三十九兩六錢四分
八釐五毫水脚每畝派銀四絲該銀四十五兩四
錢七分零五毫縣照派溢地除前加派外又該銀
五百八十四兩一錢零九釐四毫水脚該銀一十
九兩八錢二分六釐

十年又均糧每畝派銀三釐九毫除前加派外又
該銀五千零三十三兩八錢五分五釐四毫水脚

每畝五絲該銀六十二兩九錢二分三釐二毫縣
照均糧派銀除前加派外又該銀二千一百九十
四兩八錢四分五釐六毫水脚該銀三十七兩四
錢三分五釐六毫

十一年俱照十年派徵惟均糧止徵一釐九毫該
銀二千五百一十六兩二錢六分四釐四毫水脚
每畝二絲五忽該銀三十一兩四錢六分一釐六
毫縣照十年派徵外均糧止徵一釐九毫該銀一
千零九十六兩七錢五分九釐五毫水脚該銀一

十三兩七錢一分七釐八毫

國朝康熙十一年縣原額官民塘課共稅五千六百七十四頃零四畝零九絲五毫內除荒遷無徵外存熟稅一千四百七十二頃九十二畝零五釐四毫零二釐二沙五塵三抄正

實徵糧餉銀四千三百七十兩零八錢五分七釐八毫六絲八忽二微

實徵米一千零三十九石三斗三升六合四勺

地丁通共銀五千二百三十四兩四錢六分二釐

海康縣志

卷之一

疆域

畝

二毫七絲零四微七釐五沙起運連閘共銀一千三百六十兩零五錢一分一釐九毫二絲一忽七微五釐

存留連閘歷月官役俸食均平驛傳軍器料解戶水脚等項共銀三千八百七十三兩九錢五分零三毫四絲八忽七微七釐五沙內除驛傳銀二百一十九兩一錢一分六釐八毫六絲五忽尚銀三千六百五十四兩八錢三分三釐四毫八絲三忽七微七釐五沙

一差壯連閏共銀一千三百三十七兩四錢七分
四釐九毫二絲九忽留縣備支各官役俸食通年
終叅冊報銷

均平銀九百九十六兩四錢四分八釐六毫三絲
留支春秋二祭迎春表箋無祀鬼神等項用

縣均平額銀一千三百一十三兩三分一毫七絲
歲辦派數 拜牌習儀并本府進賀表箋紙劄等

項銀二十六兩五錢 二次祭丁銀七十五兩
祭啟聖名宦鄉賢銀一十四兩九錢四分 祭山

川銀一十五兩一錢八分 祭社稷銀一十二兩

神祇海濱伏波寇公十賢雷祠歲二祭颶風三祭

勸農忠義歲各一祭共銀二十五兩九錢五分

厲壇歲三祭共銀一十六兩二錢四分二釐 歷

日銀二兩 門神桃符銀二兩四錢 迎春土牛

牲醴祈雨祈晴護日月食香燭共銀九兩 鄉飲

酒醴銀一十五兩 守巡二道米菜紙劄銀二十

四兩四錢八分 守道燭銀八兩 上司經臨燭

炭門皂米菜銀六兩 委官查盤紙劄油柴米菜

銀八兩零八釐 上司府縣朔望行香講書紙筆
銀七兩 府縣季考生員卷餅花紅紙劄筆墨銀
四十三兩 府歲貢生員盤纏花紅羊酒銀二十
四兩六錢六分七釐 守巡道閱操犒賞銀七兩
五錢 巡歷劄皂隸迎送銀五十兩 衛所操
練犒賞銀五兩 夫馬銀四百三十兩 來降夷
人稻穀銀二十五兩 孤老監柴布帛銀二十兩
額辦派數 察院按臨紙劄油燭柴炭門皂米菜
銀六兩二錢 察院考試生員卷餅花紅紙劄銀

四十四兩四錢 察院閱操犒賞銀二兩 察院
審錄銀一兩 恤刑按臨紙劄油燭柴炭門皂米
菜銀二兩四錢八分 分守道新任祭門陞任祭
江猪羊香燭銀二兩三錢五分 分守道駐劄合
用家私什物銀一十五兩 提學道按臨紙劄油
燭各項銀七兩一錢六分九釐 修補分守海北
道并本府同知通判推官知縣執事轎傘銀一十
四兩 應朝官員酒席造冊銀八兩三錢三分四
釐 應朝復任知府知縣經歷典史什物祭門猪

年酒席銀八兩八錢 賀新進士旗匾花紅銀一兩六錢五分七釐七毫 迎宴新舉人旗匾花紅銀二兩三錢六分三釐 起送會試舉人酒席銀三兩七錢三毫 縣學貢生花紅年酒盤纏銀三十七兩 歲考生員童生入學卷餅花紅銀二十一兩八錢八分三毫 科舉生員府學盤纏花紅酒席銀四十四兩二分八釐八毫七絲 新官到任祭祀酒席轎傘小修件物知府通判教授三員銀二十一兩八錢 本縣并學官銀二十八兩

分守道衙修理銀共一十八兩 新增上司往來使客合用椅棹銀二十兩 雜辦派數銀一百三十兩

除遷荒裁扣外現存均平銀九百九十六兩四錢四分八釐六毫三絲 拜牌銀五錢 春秋二祭銀一百四十三兩零七分 表箋銀一十九兩五錢 無祀鬼神一年三祭銀一十六兩二錢四分二釐 迎春銀九兩 鄉飲酒禮銀七兩五錢 府學歲貢銀二十四兩六錢六分七釐 迎接夫

馬銀四百三十兩 孤貧口糧銀三十三兩三錢
三分三釐四毫 察院按臨銀一十兩 察院觀
風銀四十四兩四錢 察院審錄銀一兩 恤刑
按臨銀二兩四錢八分 賀新進士銀一兩六錢
五分七釐七毫 迎接舉人銀二兩三錢六分三
釐 起送會試銀三兩七錢零三毫 生童菓餅
銀三兩六錢四分六釐七毫 縣學歲貢銀三十
七兩 生員花紅銀一十八兩三錢四分四釐五
毫五絲 察院衙門銀五兩 歲辦雜派銀一百
八十三兩零四分三釐九毫八絲
尙存銀五百五十一兩六錢五分六釐五毫三絲
存留候支

雜役

縣均徭無閏額銀三千一百七十二兩六錢九分
三釐遇閏加銀一百七十八兩一錢三分七釐九毫
解戶水脚免差充餉銀一百二十兩 分守道門
子工食銀七兩二錢遇閏加銀六錢 分守道皂
隸工食銀二十一兩六錢閏加銀一兩八錢 分

巡道皂隸工食銀四十三兩二錢閏加銀三兩六錢 叅將門子工食銀七兩二錢閏加銀六錢

梧州府門驛廩給銀二十六兩 會試舉人水手銀七十二兩 本府正佐柴馬銀三百二十兩遇閏加銀二十六兩六錢六分六釐六毫 本府并各廳門皂工食銀一百四十四兩遇閏加銀一十二兩 本府監禁子工食刑具銀一百三十四兩四錢遇閏加銀一十一兩二錢 府倉見役斗級工食紙劄修倉銀六十一兩閏加銀五兩八分二

釐 本縣正佐首領柴馬等銀二百六十八兩閏加銀二十二兩三錢三分一釐 本縣見役門子工食銀七兩二錢閏加銀六錢 本縣并各廳見役皂隸工食銀一百四十四兩閏加銀一十二兩 本縣禁子工食并刑具等銀七十三兩六錢遇閏加銀六兩一錢三分三釐三毫 府縣二學齋膳夫銀二百四十兩遇閏加銀二十兩 府縣二學庫子齋夫銀三十五兩一錢遇閏加銀二兩九錢三分四釐 縣倉見役斗級工食銀二十九兩五

錢九分二釐遇閏加銀二兩四錢六分六釐 本
縣舖兵并赤歷等銀二百九十兩四錢遇閏加銀
二十四兩二銀 本縣各處渡夫工食造船共銀
二百五十兩五錢遇閏加銀十六兩九錢 守察
院司門子工食銀三兩六錢 守東西二司門子
工食銀五兩一錢 守東司門子工食銀三兩六
錢三項有閏加銀一兩二分五釐 黑石清道二
巡弓兵工食銀九十六兩遇閏加銀八兩 裁革
充餉銀七百六十九兩三錢

按前項均徭銀兩原額舊制也因荒遷無徵錢
糧不敷間有支給盡入均平差壯等項之內姑
存之以備攷

縣民壯額銀二千五百八十三兩六錢遇閏加銀
一百三十五兩九錢 加添充餉銀九百五十二
兩八錢 守城陸兵改復民快無閏工食銀八百
九十二兩八錢遇閏加銀七十四兩四錢 雜差
民快工食銀七百三十八兩遇閏加銀六十一兩
五錢

除遷荒裁扣外連閏共見徵銀一千三百三十七兩四錢七分四釐九毫二絲九忽留縣備支各官役俸食遞年終叅冊報銷

縣自康熙十二年至乾隆十八年墾復稅一千三百八十一頃八十三畝五分八釐二毫二絲二忽應徵銀五千六百二十兩零二錢一分四釐二毫三絲零二微一僉五沙八塵六埃零二漠遇閏加銀六十二兩四錢二分八釐七毫 乾隆十九年至二十四年墾復稅五頃二十一畝一分八釐四

海康縣志

卷之一 疆域

至

毫應徵銀六兩四錢五分四釐二毫零八忽遇閏加銀一錢九分四釐八毫五絲 乾隆二十五年至三十五年墾復稅一十四畝八分應徵銀五錢零一釐三毫七絲九忽五微一僉零二塵遇閏加銀六釐 乾隆三十六年至四十五年墾復稅一頃六十二畝二分九釐三毫四絲七忽應徵銀六兩七錢五分二釐遇閏加銀一分三釐 乾隆四十六年至五十八年墾復稅九頃一十九畝四分七釐六毫零七忽七微零六沙六塵應徵銀一十

四兩六錢三分七釐一毫零四忽五微六釐遇閏
加銀一分六釐七毫 乾隆五十九年至嘉慶十
五年墾復稅二頃七十三畝四分零四毫六絲八
忽應徵銀三兩二錢八分零七毫九絲二忽一微
六釐遇閏加銀二釐四毫 一項府學報墾民稅
三十二畝六分編徵銀一兩一錢零四釐三毫九
絲零四沙四塵 上共墾復稅一千四百零一頃
零七畝三分四釐零四絲四忽七微零六沙六塵
連前存熟稅一千四百七十二頃九十二畝零五

釐四毫二釐二沙五塵三埃通縣共稅二千八百
七十三頃九十九畝三分九釐四毫四絲四忽七
微二釐九沙一塵三埃

起科則例 一則官田每畝科正耗米三斗七升
四合五勺積二畝六分七釐零二絲爲糧一石
二則官田每畝科官正耗米二斗五升六合八勺
積三畝八分九釐四毫爲糧一石 三則官田每
畝科官正耗米二斗一升四合積四畝六分七釐
二毫爲糧一石 四則官田每畝科官正耗米一

斗二升二合積八畝一分九釐六毫爲糧一石
民田通縣同則每畝科民正耗米三升二合一勺
積三十一畝一分五釐二毫爲糧一石 一則官
沒地每畝科官正耗米一石零五升一合六勺四
抄五撮積九分五釐零八絲爲糧一石 二則官
學地每畝科官正耗米一石零四升五合八勺七
抄積九分五釐六毫爲糧一石 三則官地每畝
科官正耗米三斗七升四合五勺積二畝六分七
釐零二絲爲糧一石 四則官地每畝科官正耗

米二斗一升四合積四畝六分七釐二毫爲糧一
石 五則惠民藥局官地每畝科官正耗米一斗
五升四合八勺積六分四釐五毫九絲爲糧一斗
六則平湖書院官地每畝科官正耗米一斗三升
一合四勺積七分六釐一毫爲糧一斗 七則改
科官地每畝科官正耗米一斗二升二合積八畝
一分九釐六毫爲糧一石 民地通縣同則每畝
科民正耗米三升二合一勺積三十一畝一分五
釐二毫爲糧一石 塘通縣同則每畝科塘課米

五升積二十畝爲糧一石 各官米每石派糧料銀三錢零一釐八毫一絲九忽 民米每石派糧料銀八錢三分三釐零四絲三忽 夏稅米每石派倉料銀四錢二分六釐不派四差 塘課米每石派糧料銀二錢八分五釐五毫零八忽 魚課併比附米每石派銀三錢一分五釐又派魚泔料銀一錢四分二釐三毫二絲七忽 又一項地畝卽鹽畝餉銀以通縣官民田地塘等稅照萬歷四十八年例每畝派銀七釐零三絲八微三僉一沙又每兩

帶徵水脚銀一分五釐

上係起科舊例

現在徵米係照四則官下則官民米三例墾復奉行頒徵四則官例每米一石徵銀三錢八分三釐下則官例每稅一畝徵銀一分二釐民米照例每石徵銀一兩一錢二分六釐六毫遇閏加銀一分二釐六毫

縣徵米一萬二千零二十二石九斗 徵銀一萬零九百一十四兩五錢一分五釐五毫八絲三忽 徵本折物料溢價銀五十九兩九錢七分三釐六

毫康熙二十七年奉文
歸入起運項下

徵雕漆衣裝銀六兩七

錢七分二釐四毫

康熙三十四年奉
文歸入起運項下

徵南工匠

價銀二十七兩七錢九分二釐四毫

始於雍正八
年連水脚派

人民糧
徵解

徵新增丁口銀二百一十七兩五錢二

分五釐

稅契額銀五十兩

尚有盈餘按年徵收
多寡不等盡數批解

徵雜稅銀九十一兩八錢

徵魚課銀一百零三

兩八錢四分五釐

上共徵銀一萬一千四百七

十二兩二錢二分四釐內除改徵本色米價銀八

百九十二兩零一分八釐尚實徵銀一萬零五百

海康縣志

卷之一 疆域

七

八十兩零二錢零六釐遇閏加銀一百四十一兩

二錢零二釐

起運銀八千八百三十四兩四錢六分六釐遇閏

加銀九十六兩八錢八分七釐

存留備支均平共銀一千七百四十五兩七錢四

分遇閏加銀四十四兩三錢一分五釐

少不足支
起運項下

支

解布政司解戶水脚銀八十五兩二錢四分

八釐五毫

原額銀一百二
十兩除荒扣去

解府學廩生四十名

餼糧九十六兩

本縣俸銀三十兩零九錢三分

五釐

原額四十五兩扣荒攤減

役食銀二百九十四兩遇閏

加銀二十四兩五錢

民壯二十名工食銀一百

零八兩遇閏無加

原壯五十名工食銀三百兩遇閏加銀二十五兩雍正十三年

裁壯三十名扣銀一百八十兩彙解充餉又除一十二兩加給禁卒閏銀奉文扣解充餉

燈

夫工食銀二十四兩遇閏加銀二兩

奉裁彙解充餉

舖

兵工食銀二百三十四兩遇閏加銀一十九兩五

錢 典史俸銀三十一兩五錢二分 門皂馬夫

工食銀三十六兩遇閏加銀三兩 教諭俸銀四

十兩 訓導俸銀四十兩 齋夫門子工食銀五

十兩零四錢遇閏加銀四兩一錢 清道司巡檢

俸銀三十一兩五錢二分 皂隸工食銀六兩遇

閏加銀五錢 縣學廩生二十名餼糧銀四十八

兩 膳夫工食銀一十三兩三錢三分三釐三毫

遇閏加銀一兩一錢一分一釐

上係備支項

拜牌香

燭銀三錢五分五釐 拜進表箋銀一十三兩八

錢五分三釐 迎春土牛等項銀六兩三錢九分

三釐六毫 府學春秋丁祭銀六十九兩五錢一

分一釐 縣學春秋丁祭銀五十兩零九錢九分

八釐 山川社稷春秋二祭銀一十四兩八錢六分七釐 雩壇祭銀三兩七錢一分七釐 文昌

春秋二祭銀二十六兩六錢六分七釐 關帝春

秋二祭并賀誕銀四十兩 無祀鬼神每年三次

祭銀一十四兩八錢零三釐 時憲書銀一兩四

錢二分一釐 解司造冊 孤貧口糧銀一百三十六兩

八錢遇閏加銀十一兩四錢 鄉飲酒禮銀五兩

三錢二分八釐 均平項

另昭忠祠春秋二祭銀六兩三錢一分 嘉慶九年奉文司庫

海康縣志 卷之一 疆域 七

建曠項下請領支銷

優免銀二百六十六兩六錢遇閏加銀九兩二錢

四分八釐每衿一名免地丁銀二錢六分遇閏加

銀八釐 每年不足支於起運項下扣足若支不盡歸併起運

前明府屬驛傳額銀一千六百六十六兩三錢八

分零二毫七絲二忽 縣驛傳額銀并增派銀六

百七十七兩九錢三分六釐 雷陽驛支銀四百

一十九兩九錢六分八釐 協助城月驛支銀一

百四十兩零一錢一分六釐 協助英利驛支銀

九兩七錢六分二釐 解府充餉銀一百零八兩
零九分

康熙十一年至嘉慶十五年府除兵荒遷界裁減
充餉外存驛傳銀二百三十一兩六錢八分四釐

遇閏加銀四兩零三分八釐

驛廢爲塘不支已外
每年於各縣起運項

下扣解 縣驛傳銀二百一十九兩一錢一分七釐

司道 遇閏加銀三兩一錢五分

屯田始於明洪武二十八年衛之左右中前後爲
內五所海康樂民海安錦囊爲外四所天順間海

海康縣志

卷之一 疆域

七

康所立二屯一百戶張文良一百戶葛鑑共田四
十一頃八十畝納實糧五百五十八石

國朝康熙元年三年兩遷界衛官奉裁屯田棄於界
外七年展界漸復衛所官職招墾給牛種以次修
屯兵之政而田經屢遷多半荒不可種二十九年
奉文仍裁衛所官職將屯糧歸縣民田糧內徵納
縣歸併 衛所佃民林一會楊登華屯米二十一
石九斗九升四合 海康所屯丁梁星起張制屯
米一十八石三斗七升七合一勺共歸併屯米四

十石零三斗七升一合一勺按年徵收撥給雷州營白鴿寨兵糧

府屬改徵本色米共一千六百零五石八斗二升六合二勺縣改徵本色米一千零七十三石三斗五升五合五勺撥給白鴿寨兵糧

府共歸併屯丁編審銀四十七兩七錢五分一釐

六毫一項地租銀在內是年編審屯丁一百一十七丁徵

銀三十五兩九錢零三釐閏銀一兩三錢八分七

釐卽年歸併三縣雍正十年照按米石派屯丁二十丁徵

銀五兩三錢二分六釐四毫閏銀二錢零七釐一

毫自乾隆三十七年後編審之例永行停止其

新增及滋生屯丁食鹽課口永不加賦與民戶同

府鹽課原額銀六百九十一兩三錢零一釐內除

遷荒無徵外有實課銀一百零四兩零四分八釐

康熙十一年至四十六年增復課銀一百三十三

兩四錢二分八釐通計原存增復共鹽課銀二百

三十七兩四銀七分六釐至今無異縣鹽場課銀七十

二兩七錢九分二釐總厥在武郎

府鹽餉原額銀一百九十四兩四錢八分康熙十年除遷荒無徵外存實餉銀二十九兩八錢六分五釐八毫十一年至四十六年續增餉銀四百零八兩七錢九分零二毫八絲四忽通計原存續增共鹽餉銀四百三十八兩六錢五分六釐零八絲四忽至今無異縣原存正引餉銀九兩六錢 康熙十一年徵復銀三兩六錢 二十年徵復銀一兩 又加餉銀六十八兩六錢七分二釐 二十一年徵復銀一兩 二十三年徵復銀三兩一錢 二

十六年徵復銀七錢 二十七年徵復銀六錢 二十九年徵復銀四錢共銀八十八兩六錢七分二釐原係該縣徵解 三十二年按餉配引三百四十七道二分二釐四毫八絲商人在省折納 三十五年將加鹽配增引一百九十道零五分六釐四毫一絲加餉銀四十八兩六錢二分五釐四毫七絲二忽 四十六年加增餘費銀三十二兩零三分零五毫 計正引增引共鹽五百三十七道七分八釐八毫九絲 計原餉徵復加餉加費

共銀一百六十九兩三錢二分七釐九毫七絲二忽

縣監場廩埠 武郎廩 譚斗廩 新芋廩 馬

留廩 郡城埠 烏石埠 龍滾埠

山坡稅始於明嘉靖四十一年縣歲解額銀五十

一兩 由縣解道

國朝康熙初年縣又增葛價銀四十兩零八錢併 解道

積貯

府永豐倉原貯額穀在於乾隆五十一年撥縣管

盆分貯海防廳

海康縣志

卷之一 疆域

全

縣常平倉今改大豐倉貯額穀六萬六千九百三

十七石六斗零雜款穀三百九十二石三斗零 府倉

撥貯在內

社倉四 雍正二年置共貯穀三千五百餘石今倉或存或廢貯穀俱無

藉田

縣藉田四畝九分祭

先農粢盛穀四斗籽種穀一石

風土

縣無冰雪舊稱瘴鄉今則人烟稠密林疎澗豁久

無瘴患惟是環海之區地土卑濕不獨歲中寒暑不齊卽一日之內亦氣候屢變冬寒不過三四日復煖秋則白露以後暑尙未徂甚至朝方著綿暮旋揮扇此東坡所謂四時俱是夏一雨便成秋也春多東風夏多南風秋多西風冬多北風東南風煖西北風涼其常也縣三四月間惟晝有南風至五月始入夜謂之過夜南南風過夜則雨三四月北風多主雨五月北風多主旱六月有北風非作颶卽大雨颶風自芒種以後立冬以前皆有謂之

颶者具四方之風也起於東北必自北而西起於西北必自北而東俱至南乃止謂之回南回南不正必再作颶一歲之中有再三作者晨起見東方雲峰叠起或海鳥驚飛或斷虹飲水俗曰牽纜曰水影亦曰風篷或海中有聲乍急乍緩似遠聽鏜礫之音俗曰海吼此皆颶之先兆也大抵先期數日必有西北風西北風過午速則一日遲則三日其颶必至作自朝者翼日而息作自暮者三日乃息凡颶必夾雨俗曰有雷則不成颶然有雷而颶

者其颶大且久謂之鐵颶又颶必乘潮每朔望後之二三日爲潮長之期颶之作多應之以無方之風夾狂暴之雨助以澎湃之潮屋舍田禾之濱海者欲不受其害也豈可得歟

縣之坑田大半有山泉灌溉苦雨多而苦旱少洋田廣濶渠不能灌全仰天澤故不甚苦雨而苦旱故二田之望雨輒相反一歲收成常有坑田豐則洋田歉洋田豐則坑田歉若二田俱稱大熟則必雨之極得其時而各適乎地之宜者也

縣之節序與各郡縣略同立春先一日地方官至東門外迎春公所祭芒神畢小民各裝雜劇前導迎春以八老穉咸集通街看土牛或灑以菽稻曰消疹至交春時置春牛於署前禮畢鞭之曰打春是日啖春餅春菜元日夙興焚香燒爆竹設清席祀香火神及祖先曰供歲飯是日出拜所親閭里相賀屬在姻婭各以果穀相餽遺上元前數日作燈市各懸燈於堂門自十二日起曰開燈連至十五夜城市間每夜綵燈或三四百爲一隊或五六

百爲一隊放爆竹燒烟火粧鬼判諸色雜劇絲竹
鑼鼓迭奏遊人達曙是日儺謂之遣災亦有至二
十八日或二月十二日乃儺者元夜更深童男女
以小石投井曰祛忘神謂人之善忘者有神主之
故祛之也二月上戊日祭社祈穀懽飲竟夕清明
家各設席祭祖先載酒殺登墓祭掃男女俱行曰
培墓四月八日浮屠氏浴佛爲龍華會家各採使
君子葉和米作料湯食之曰殺蟲五月朔旦懸艾
以門製雄黃袋以佩童子放紙鳶是日競渡以竿

懸銀牌於船上勝者得之曰奪標端午日設酒殺
祖家神及祖先爲角黍相餽遺浴於溪曰流瘍六
月六日祀竈晒衣服七夕乞巧女子以蜘蛛一對
鮮果一枚插針其上碗覆之次早視蛛絲過針孔
者爲得巧中元薦酒殺於祖先燒楮幣曰燒花紙
或設水陸醮場爲盂蘭會中秋各鄉墾祭文昌家
設酒果蒸芋賞月重陽登高於是日採藥作酒麪
霜降前一日營官披挂操軍器繞城以迎霜降至
其時導迎出教場禮畢放鎗炮曰打霜降冬至日

凡家祠各祀祖先族屬咸集臘月二十四日祀竈
曰送竈神升天除日家貼對聯門神設酒殺祀香
火神及祖先曰圍爐至夕設瓜果盤奠於堂閣曰
排年房室各燃燈以守歲

縣俗質樸惟正之供如期輸納從無抗糧逋稅之
案惟鄉村小民或輕生敢鬪至釀成人命輒糾衆
毆搶百般凌辱以洩其忿然後鳴官究抵此風必
當嚴禁其平常詞訟則兩造各有訟師爲主之海
市蜃樓互相鬪巧隨結隨離延數世非痛懲訟

師恐積牘終無清釐之日也土瘠民貧自爲農爲
圃外無大商巨賈卽首富之家亦不過足穀翁耳
或自命幾與擁銅山據金穴者相埒蓋其節遜成
習此區區者實已用之不竭宜其位置之高也士
大夫家多行朱子家禮惟嫁女重裝奩中人之產
不足以供一女之釵釧有世道人心之責者不可
不預防其流弊矣至愚民崇鬼每有疾病輒惑於
師巫邪說專意祈禳幾不知醫藥爲何事此又所
當剴切諭之庶幾可省無益之費

物產

物產莫重於穀稻梁黍稷麥菽之類嶺以南大率從同然黍稷麥梁盛於西北雖炎海之區亦有其種而蓋藏無幾非饗餐所必需茲特考壤土偏勝者紀之

田稻有十二月種至明年四月而熟者有二月種至六月而熟者謂之早稻有二月種而十月種者有俟六月早稻熟後復耕接種曰翻稿亦十月熟者並謂之晚稻早稻種自小暑而盡於大暑晚稻種自立冬而盡於大雪種有秠有秠俗作粘而秠秠占又各分種類名隨地異其實一物坡稻種於高原無水之地種後每月得雨一二次

海康縣志

卷之一

疆域

全

即慶有秋此稻熟在田稻早晚二熟之間民食大資接濟

落花生

俗名番荳蔓生花吐成絲絲不成莢荳生地下掘地取之長及寸殼有皺文中有一仁

或三或四生熟皆可食亦可榨油有小荳大荳之分小荳七月收大荳十一月收

薯小者如鵝鴨卵曰甘薯曰翻上薯大者自一二尺至十餘尺不等有紫有白曰猪肝薯曰黎峒薯俗名柴頭薯皆不以代穀惟番薯有紅皮白皮黃皮數種可以釀酒可以代糧種者甚多隨種隨收約四閱月而一熟

芋有大葉芋有水芋有坡芋有銀芋有香芋春種夏收曰早芋夏種秋收曰晚芋皆以當中出苗

其性消熱不及番薯之和平故種者比番薯較少

糖有烏白二種烏者糖塊白者糖霜霜有三曰結粉曰洋曰水赤塊有厚有薄雷人婚嫁之禮必

其性消熱不及番薯之和平故種者比番薯較少

需糖故糖價
與米價等

果木如桃李榛栗梅柿核桃林禽等嶺以南絕少
佳品即柑橙橘柚枇杷香圓荔枝龍眼檳榔椰子
雷間種之然不如他郡之盛也茲考其盛於縣者
錄之

波羅蜜 樹大數圍即佛氏所稱優鉢曇不花而結
果一樹之實或多至一二百顆每顆小亦

重四五觔大或四五十觔膚礪何如佛髻肉色似
香味甘如蜜因名蜜或從旁根結實地下熟而聞
香乃知者味更佳俗有乾包濕包之名乾包香美
濕包則飽食無病核亦可燻食味如栗木堪為材
濕包之樹堅比檜
柏種者動以林數

海康縣志

卷之一 疆域

全

橄欖 熟於初秋初入口味酸而澁久咀之則甘芳
難熟時刻樹根深廣寸許入鹽於中則其子自落
蘇東坡詩紛紛青子落紅鹽即此謂也俗每鹽漬
之以備
食用

芭蕉 即甘蕉葉長六七尺廣一二尺花似芙蓉而
大倍之每花一莖結子五六層每層數十子

兩兩相比以次而熟皮淡黃肉甜而潤滑無核有
牛蕉雞蕉二種雞蕉為勝其葉乾之凍以灰解散
如絲可績為絺
綌謂之蕉葛

蔗 一種大徑寸長可五六尺節二寸許皮或紅或
紫漿多而性寒曰昆侖蔗俗名烏脚蔗一種大

如母指或三四寸一節皮勁漿少味甘沈重榨其
漿可煮黑白糖口芒蔗縣多種之而徐聞較盛其

波羅麻子 俗又名番蔓子色金黃周身有縫紋如
龜坼削皮食之味甜而香烈其葉剉以

為麻紡績作布名波羅
麻布今以代雷葛即此

蓬生果

一名乳瓜以乳婦食之多乳得名俗名木
冬瓜樹如梭欄葉如蒲葵近頂節節生葉

菜底生瓜青色嫩皮有楞肉多白脂
搯之脂隨指出子如蠶矢最易種

宜母子

似橘而酸婦人懷妊不安食之良故有宜
母之名俗名寧濛子亦名酸濛製以為漿

甘酸辟暑元吳萊宜
濛熟水歌歌此漿也

金彈子

俗名黃皮果大如龍眼皮黃色肉白如肪
有青核數枚和皮食之味兼酸辛啖荔枝

太多者食此
可以解之

倒捻子

一名都捻子倒捻其蒂以去心而後食之
故名花如芍藥而小子如猪乳熟則皮深

紫而肉絳赤其汁污衣堅不可濯樹叢生刮其根
漬之有膠可代漆即蘇東坡所謂海漆也俗多用

海康縣志

卷之一 疆域

矣

以糊紙
作書面

部諦子

俗名菩提子形如石榴
色白者味甜五月熟

餘甘子

樹不甚高俗名楊甘熟於冬初霜落其葉
其子累累滿枝鹽酢之以備食與橄欖同

剝其樹皮碎而漬之有
膠甚濃漁人用以染網

木竹子

俗名山竹子形如大枇杷皮厚多脂沾物
如漆肉味甘酸核十字坼每子四核食者

和核
吞之

洋桃

亦名五斂子或謂種自大洋來故名以洋或
謂身有五稜南人呼稜為斂故名以斂其皮

臘色肉脆而味極酸或蜜漬或鹽漬乾之可以久
藏致遠又一種味平淡不酸曰甜洋桃俗云初種

時用秣米泔
水澆之故甜

天桃 一名蜜望果花開極繁密蜂望之而喜故以

云能止船暈邑人種之一園或百餘樹

方華時貴人即以錢定之謂之買桃花

杜石榴 一名番石榴形如安石榴而小皮厚可食

性澁生青熟黃其瓢或紅或白有小核數十環附之味甘有微香用刀切

則味損而黑食者用手夾破之

櫓罟子 葉如劍寬寸餘長三五尺兩邊及脊各有

刺如鋸齒子似波羅麻子但縫深至心瓣

瓣攢聚裂而視之又似波羅蜜之包近心一半有

微肉味頗甘婦人食之可以種子園圃籬落多種

之其葉乾之可以代薪

其子乾之可以代炭

縣地花事頗少如素馨茉莉海棠山茶以及蘭桂

之屬皆自他處移種濫登志乘無謂也茲錄其宜

於縣者

美人蕉 俗名狀元紅葉似芭蕉而小其花抽心直

核圓黑而堅籬 出一莖數朶色大紅結子如縮砂內包數

邊山麓皆有之

海康縣志

卷之一 疆域

樹蘭 亦曰木蘭又白伊蘭俗名米碎蘭樹高丈許

花似魚子蘭而香過之五葉者貴其花遲落

而香久三葉者花開次日即落相傳不

能度嶺度嶺則次年不花三年萎矣

九里香 葉細如黃楊花白色香甚烈其木極不易

長種之百十年枝幹奉曲盤錯偏枯而中

空頗有蒼 占之致

月貴 亦名月季枝葉盈似玫瑰花或紫

或紅微香隨謝隨開四時不絕

佛桑 俗名紅花樹高五六尺葉如桑花如芍藥自

二月開至沖冬乃歇色有深紅淡紅之別皆

不香一叢之上或開數十朵
和醋搗之以敷瘡患頗效

蒼菊

山梔子也花白
六出其香甚清

縣無高山叢林異木奇草間有之不數數觀也茲

錄其多者

榕樹

俗名榕松葉小而繁盛無花有子枝幹上多
細根如鬚垂而曝乾練為火索風吹不滅根

長拂地覆以土根又生枝成幹樹最易長不久即
蔭及數畝衙署書齋祠旁路側多種之以為息影

之所

赤黎樹

俗曰赤鈴葉尖小枝拳曲大者亦中楹柱
用然而善蛀惟燒為炭則耐火而加熱山

中嘗有百餘年者
其子如鈕胚可食

海康縣志

卷之一 疆域

九

木棉樹

大可合抱高者數丈葉如香樟而厚一枝
五六葉正二月開花紅如山茶蓋色獨黃

花時未葉葉至三月乃茂子大如酒盃若則自
裂中有絮茸茸與蘆花相似土人取以作裯袴

無患樹

亦名木椀椀一本作槐實有脂膠可以濯
垢核黑如墜櫨或串之以為經珠攷古今

注櫨木亦曰無患昔有神巫能作符効百鬼用此
木為棒殺之世人競取為器用以却邪魅故號為

無患

刺桐樹

高數丈大者合六七人抱身多癭瘤硯礪
磅礪若虬龍狀花正紅色先葉而生三月

盛開望之滿樹嫣然旁照他物皆赤艷落
地三四日其色不減伐其枝種之即生

苦棟樹

最易生三月開花細如魚子色白而香木
質不甚堅昔止粗器用之今漸為棟楸矣

必迨其子青時
伐之方不蛀

娑羅樹 亦名武吉葉似棗桃子大如木椀中有仁

皮厚木理粗軟材中宜車之選刻作木魚其音洪遠

山桂樹 皮葉皆香取其皮入香料

檉木 俗曰木檉實類山竹子而微小食者相核吞之與食山竹同其木膚黃格黑文甚細匠肆

材之美也

海陀樹 葉攢枝頂形似柎而厚有橫理如蕉絲花白五出近蒂處微黃開於夏末秋初落不

卸瓣最易種折其枝插之無不活

粉竹 因其皮有白粉而名亦曰單竹大者徑二寸以上節長及二尺肉薄其絲細軟俗作精緻

竹器用之

海康縣志

卷之一 疆域

七

勞竹 亦名刺竹肉厚節促質堅勁可為茅屋椽棟又有一種亦似勞竹節直而少刺名曰籬竹

二者皆可食

知風草 俗名叩婁草叢生根白似芹深一二尺葉似蘭而小薄土人視其節以占颶風諺云

一節三颶颶風俗口風颶三節無點災是也。按通志云一節一風無節無風

葦撥 葉似扶留而香味較醇土人常取以調食尤宜於炙田雞俗名田雞為蛤故亦曰蛤葦

孔里明 莖如葦撥葉似椒煎水可療瘡毒

終葉 似芭蕉而小高可五六尺其莖槌破成絲可緇為索葉滑軟俗多用以裹食亦有微香煮水

洗浴能除污穢

慎火草 亦名戒火俗名解患葉極厚而多脂其枝稜理有刺多種為蕃籬南中無霜雪久之

亦白成樹

涼粉草

俗名涼菜藤生葉長細柔滑搗取其汁入米粉少許煮熟之盛於瓊盤候冷凝如菽

乳和糖食之解煩熱

相思子

俗名珍珠娘蔓生籬間葉細薄結莢生子圓如菘荳紅裳烏喙可飼鸚鵡

飛走之屬如烏鵲鷹鳩虎狼狸貉蟬動之屬如魴

鯉鯊鱧蟬蛙蜂蝶山海之區大率皆有錄其偏盛

於縣者

鷓鴣似鷄而畧小有斑文畏霜露早晚稀出夜飛則啣樹葉以自蔽喜對啼肉味甜能解野葛

諸菌毒及辟温瘴廣州志言其鳴云但南不北潮州志云行不得也哥哥南越志云自呼杜薄州本

海康縣志

卷之一 疆域

七

草云鈎輻格傑雷人相傳以為似云公去北山麼也

了哥即秦吉了黑羽黃眉喜立牛背家養者圓剪其舌飼以熟物過三霜降則能言

山鵠形如八哥能作禽獸音教之能學人語善鬪

火鳩形似斑鳩八九月間千百為羣飛集濱海林莽雌羽灰色雄者兩翼微絳自火鳩外尚有

長尾鷗青脚等皆常時所無至秋乃有統名秋風鳥亦曰北風鳥俗云是即海魚所化也

鈎割鳥俗曰天鷄鮮見其形常以夜半飛鳴四八月中農人聽之以占歲若云鈎割割則年

豐鈎鈎割則年歉亦有聞其云路括則以為豐路負則以為歉者

麕俗曰黃麕似鹿而小聲如破鉞牡有短角鰲色善走初走時交其後足望之若三足然雖俊犬

弗之及追之至用臘者見其四足至地則必獲也皮軟膩以作履靴甚良

火狸 俗名獾 狸大者曰烏脚狸 其毛黃質黑 章畧似金錢豹 冬至前獲者 毫可為筆

比日魚 狀似牛脾 細鱗色半紫半白 俗名龍舌 亦曰狗舌 又有一種身短而圓者 俗名鱗脯

海鱸魚 俗名海龍翁 亦曰海公 小者亦千餘尺 聲如雷 氣如風 噴沫如雨 霧背脊聳 嶮若海上之山 行海者 遙見即避 每出多以子隨 子之大亦若海 中島嶼 蛋戶 聚船數十 用長繩繫 鐵鎗擲擊之 謂之下標 三下標 乃得之 次標 最險 蓋首標 尚未知 痛也未標 後猶負痛 行數日 船徐尾之 俟其困斃 連船曳繩 至水淺處 始屠 無鱗皮 黑色 厚寸許 肉可煉油

海沙魚 其種不一 以烏耳沙為最 白痣沙次之 犁在翅品 入海 珍號為銀絲菜 按菽園雜記 謂海沙變虎 任肪述 異記 謂沙之斑者 化鹿 庸或有之 詢之漁人 皆未之見

海康縣志

卷之一

疆域

三

鱧白魚 口濶目大 鱗疎色白 肉中細骨 參差頗不 適口而味有殊 香令人忘多 骨之恨 出東海 按海自海口而西 為西海 東海 自海口而東 為東海

三鰲魚 似鱸而身微薄 黃皮粗鱗 味甘美 大者十餘 筋七八月最肥 按三鰲鱧白 鱧魚皆一種 所變在海 則為三鰲鱧白 在江 則為鱧魚 鱧者時也 以其隨時而變 故謂之鱧 鱧白三鰲 殆亦因時而變者乎

馬嘉魚 頭尖口小 身厚無鱗 碧色骨疎 而脆 大者十餘 筋又有一種 相似而小 名曰洋鯉 其味之美 則一也

鯧魚 名媚 鯧身側薄 狀如桐葉 大六七寸 無鱗 骨甚脆 灰色 兩腮微黑 者又名黑面 鯧俗名絲刀魚 狀若腰刀 長二三尺 無鱗 肉中骨如鱧白 二三月盛

刀魚 俗名絲刀魚 狀若腰刀 長二三尺 無鱗 肉中骨如鱧白 二三月盛

無鱗 肉中骨如鱧白 二三月盛

無鱗 肉中骨如鱧白 二三月盛

無鱗 肉中骨如鱧白 二三月盛

鰻魚 生溪潭中頭有兩耳多涎能越嶺綠樹所過不能歸極肥肉能愈癆瘵病

墨魚 亦名烏賊魚腹有墨囊遇大魚則吐其墨以自蔽人輒伺其墨以取之其骨入藥名海螵蛸

柔魚 俗曰油魚似烏賊無螺蛸骨及墨大亦不及烏賊之半而味甘香則過之脯者可以致遠

章舉魚 俗名鱒魚亦烏賊之類身大如猪膽八足足長四五寸無骨腹十餘子孕至正月白

食其足足盡則腹破子出

蒲魚 俗曰魮魚身正扁狀若荷葉大者廣二三尺無鱗背青腹白口在腹下目在額上味滑美

尾長若馬鞭有毒不可食

海康縣志

卷之一 疆域

畜

羊肝魚 形斑頭孔尾有星在永中常向北斗故亦名朝天水入東海者乃有之

跳魚 長二三寸形如土鰾眼出於頂身有細綠點能跳躍亦名花魚東海坪間潮落時則出

鮫鯉 亦名穿山甲四足而紆行鱗似鯉而堅厚刀不能入每鱗尖際有毛穴地而處掘者若從

尾持之則其鱗倒樹十人弗勝也故俗又曰倒裂鱗

鱉魚 形如惠文冠眼在背口在腹足十二似蟹尾長及尺行必豎立如船桅然所謂鱉帆也雌

常負雄每獲必雙單者食之殺人腹有旦數千血碧色皮殼堅勁可為瓢熬以飾器酷類玳瑁

蚶 亦名魁陸又名瓦屋子狀如海蛤圓而厚其殼文理縱橫大者可治為器

禾蟲 身軟如蠶細如箸中有白漿着鹽則膚潰生於海濱山禾根下長不知幾許縷縷如血絲

隨湖水斷節而出節長寸許斷處又有口上人網撈之數月乃盡七八月其期也

沙鱗一名沙鯁狀似蜥蜴腹白背青綠兩脇正赤

又名雷公馬肉可食俗云能解小兒疳積廣輿記

載雷州有雷公子其形如蠃土人取而食即此但

傳聞之誤云如蠃則

金花蟲大如斑貓形色文彩如金花喜藏諸禮

十二時辰蟲背綠色上有黃斑點若古錦文長數

能傷人一尾絕細四足自旦至暮變十二樣

青蝻蛇俗曰瓜蛇灰色脊有青紋三條

至尾者為貴釀酒入藥除風濕

日籛箕夾皆毒物也

金角帶蛇黑質金章分節如角帶食火炭見秉炬

夜行者則趕之又有一種尾尖帶白名

蝮蛇有乾蝮有水蝮水蝮噬人不傷而乾蝮極毒

能飛跳取物其大者又曰劈頭蝮逐物則顧

下皮張數寸騰身

仰立惟尾着地

海康縣志

卷之一

疆域